

度

支

奏

議

度支奏議卷之二十四

新餉司目錄

覆通州建臺班軍行糧疏

奏繳袁崇煥詰勅玉帶蟒甲疏

覆吳御史條議屯塩鼓鑄節省疏

覆楚屬旱災州縣酌減新派三釐疏

覆南雄新增橋稅仍留充贍餉疏

覆甘按臣估變逆產充餉數目疏

題請預徵五年加派三分疏

題議收買薊鎮歲需米豆草束疏

覆閩中撤回援兵月餉并解部軍餉疏

覆山海修城班軍行糧疏

覆保撫題優免銀兩併留用疏

覆河道總督題河道考成疏

覆津鎮餉乃三年冬李奏報疏

議覆三屯鎮營經制疏

覆東援昌兵出關隨地支給行糧疏

覆滇省留用三年分奉省未完新舊餉銀疏

覆餉院條議召買官買官餅疏

覆津撫條議召買兼徵米豆錢糧兼收銀錢疏

覆津撫預計五年分召買疏

庚亥奏議卷之二十四

太子太保戶部尚書淄青畢目嚴視草

覆議通州建臺班軍行糧疏

題爲議建敵臺以固城守以鞏重地事專理新餉  
山東清吏司案呈崇禎四年八月二十九日奉  
本部送蒙

御前發下紅本督治通鎮軍務兵部左侍郎范景文  
題前事等因奉

聖旨敵臺有裨防剿覽奏不煩公帑力任建築范景

文具徵任事所需工料等項各部酌議速覆欽此  
欽遵蒙

發下部送司除磚料班兵當卽呈堂移咨兵工二部  
議覆外所有班兵日給米二升相應具覆案呈  
到部該臣等看得城守之利賴無如火器而火  
器之環應不窮其如敵臺先是東氛乍熾紛紛  
條上方畧強半言建臺之便欲施之

都城而不果行今督臣范景文計深綢繆毅然舉  
行直捐年來公費以爲通州倡臺成而建威銷

萌其保障不止潞河也除選徒鳩工以襄厥役  
在兵部爲政而計口授糧人日給米二升如督  
臣所請者臣部自當如數以應目下截撥通倉  
躊躇召買雖惜畫良艱而設險預防固不敢不  
勉共濟以觀不日之成矣旣經督臣具題前  
來相應覆

請恭候

命下臣部移文通鎮督部并劄通糧廳俟興工日查  
照班軍名數按日給米施行

崇禎四年九月初二日具

題本月初三日奉

聖旨這議覆通州築臺班軍准於興工之日照數給  
米仍着該司官不時稽查毋容混冒扣剋欽此



奏繳袁崇煥 誥勅玉璽蟒甲疏

題爲

奏繳事專理新餉山東清吏司案呈崇禎四年六月二十二日該本部題爲估變迎賊克餉事據報估過逆督袁崇煥贓物緣繇內開

誥勅例無估賣

關帝像有

廣運之寶亦非民間香火玉帶二條蟒甲一領恐係欽賜且一時難得售主均應繳還

內庫併勘合轉送兵部佛經轉發梵寺外還銅錢  
共估價一千一百零三兩八錢五分理合造冊  
具題請

旨下部以便遵奉變賣充餉等因本年六月二十五  
日奉

聖旨這逆贓既經酌估准變賣充餉欽此欽遵除應  
變贓物照依酌估價值據商人章完等認買得  
銀一千一百零三兩八錢五分發充新餉外所  
有應繳

誥勅等物相應具題

奏繳案呈到部該臣等看得趁贓估價已有商人  
章完等領賣輸銀貯庫充餉矣惟

誥勅神像玉帶蟒甲諸件尚存庫中竊思

御寶既不敢私藏人間名器亦未便襲售市井前  
旨雖未奉有

確諭而估計疏中既已聲說在案相應恭請

明命令新庫司官繳進內庫者也理合開坐具題請  
旨

計開

誥命三道

誥軸一道

勅一道

關聖像一軸

花玉帶一圍

白玉帶一圍

銅盔一頂

蟒甲一領

青段甲一副

崇禎四年九月初四日具

題本月初七日奉

聖旨誥軸著焚燬餘著查收該衙門知道欽此

覆吳御史條議屯塩鼓鑄節省疏

題爲民賦未可屢加兵餉又難猝減敬陳理財用  
人之要策以俾兵民兩便以紓

聖主焦勞事專理新餉山東清吏司案呈崇禎四年  
七月初五日奉本部送戶科抄出四川道試監  
察御史吳彥芳題前事等因本年七月初三日  
奉

聖旨這條議開節諸款中多可採併用人論守久任  
亦說得是該部卽與酌覆欽此欽遵抄出到部送

司除用人久任係吏部職掌應聽吏部具覆外  
所有理財各款相應酌覆案呈到部該臣等有  
得

國家大計無過兵食兩端而足兵尤宜足食年來  
皇上焦勞諸臣借箸靡不首言理財顧醜虜未滅軍  
旅之事方興餽運無已捐租之

詔難下憫時者鯁鯁厚慮求所以補雜徵之缺代加  
派之苦者而不可得屯塩鼓鑄汰冗省餉亦既  
章蒲公車如布帛菽粟言之無奇而行之可以

療飢寒有治人無治法願力行若何耳今據臺  
臣吳彥芳條議以開節之方爲理財之要其以  
裕

國計長便之源救臣部匱乏之憂言言堪採鑒  
甚善也相應開列前件酌議覆

請恭候

命下臣部行文各該衙門遵奉施行

計開

一曰鹺政之食鹽當酌也

前件看得兩淮鹽法原有綱鹽食鹽之分綱鹽行于南直江廣而食鹽則行于淮揚附近州縣者但綱鹽每引價五錢五分餘鹽銀八錢遼餉一錢止行鹽四百三十斤近議准加割沒鹽四十斤不過四百七十斤而止而食鹽不然其引或用新引引價與綱鹽無異或用積引則止用價二三錢其餘銀不過五錢六錢而行鹽則有六



七百斤不等又借塩斤之重肆行夾帶每引不下千斤是綱塩課重而塩少食塩課輕而塩多委有差等者也查崇禎元年前塩臣許其孝條疏除上元江寧等縣食塩共行新引四萬三千九百一十八引俱屬綱派八邊新引聽其照舊銷行外議將溧陽并淮揚食塩之行積引者共六萬三千六十三引改行新引令各州縣隨綱

鹽年運年銷每引量減餘銀一錢  
價照例五錢五分鹽斤相其地里遠  
近量爲加派已經臣部覆奉

欽依通行遵照在案無奈申飭徒勤無裨實效今臺  
臣稔知此弊議將食鹽之課量爲增  
加以後仍將食鹽之引改入新綱之  
內引課鹽斤俱同一體深得補偏救  
敝之法但鹺政利病非鹽臣不能洞  
悉所當行令鹽臣酌議兩淮食鹽鹽

斤課額緣何與綱塩不同或增課以  
減塩或改入于綱內務令有裨

國課可也伏候

聖裁

一曰荊州之錢局宜開也

前件看得鼓鑄之法原爲生息之計今  
工本貴而錢價反賤卽盡釐剔之力  
人工之巧終屬利微臺臣之言真洞  
若觀火但欲工部設局于荊州而割

楚賦二十萬以爲工本則不能不費  
商確者夫荊州南通辰沅黔蜀銅鉛  
順流而下價值必賤煤炭魚米市價  
頗平且當四通五達之地行用亦便  
無不可者惟楚賦初克黔用項已奉  
旨歸還臣部則爲開寧計口授食之需似難割以與  
工部卽臣部前議湖廣買銅銀五萬  
兩至今尚未解到則設局一事臣部  
不暇爲謀至工部應否另開錢局于

荊州與鑄本之作何設處應聽工部  
酌覆非臣部所敢越俎而臆決者也  
伏候

聖裁

一曰邊地之新屯宜開也

前件看得榆關內外以及迤北迤西寧  
無曠土前臣部于崇禎元年條議屯  
田一疏有議行兵屯之法今行伍之  
卒無事則荷鋤以力農有事則操戈

以禦敵正指榆關內外而言欲令粟  
生金死以寬天下郡國之財以追營  
平贊皇之烈今聞遼左軍民亦有自  
具牛種自理阡陌者雖不能遽減海  
運而米粟之價年來不甚大昂夫亦  
墾種之明效也臣部于去年四月內  
遵奉

聖諭條議屯田方畧業奉

諭旨已經通行遵照在案比者勸永之逆產關寧之

墾田又復照例取租矣今借臺臣之言以行督責之術諒各邊督撫監司身任封疆均懷

國卹所當行令于年終查奏墾屯分數以行殿最無徒以申飭爲故事則臣部之所望于邊臣而邊臣之所以忠于任事之職分也伏候

聖裁

一曰財用之節省宜講也

前件看得古云江海之大不實漏卮者  
言用財之不宜濫也自奴難起而東  
江華島之議始興一爲建州之牽制  
一爲寧錦之犄角自有二旗以來臣  
亦不聞有斬將塞旗之功至于涿鹿  
之兵原因已已之變設爲不必然之  
防今臺臣議徹議裁弁徙登撫安插  
難民種種擘畫良屬有見但建將設  
兵自是樞部機宜封疆多事尤宜長



盧邵顧合

勅樞部從長酌議應留者留應裁者裁應撤者撤務  
求武備不弛餉額樽省則籌邊節用  
兩得之矣伏候

聖裁

崇禎四年九月初五日具

題本月初八日奉

聖旨鹽屯鼓鑄原係經國長規這覆議兩淮食鹽量  
行加課改引入綱著該巡鹽御史確酌具奏各邊

新屯屢奉明諭著責成督撫司道悉心力行毋得  
輕徇故事塞責荊州開鑄前已有旨還俟朱大受  
奏來議奪至裁兵省費更須詳酌亦有旨了這疊  
奏何不載入原疏以便覽查以後還著詳覈行欽  
此

覆楚屬旱災州縣酌減新派三釐疏

題爲類報災傷事專理新餉山東清吏司案呈崇  
禎四年八月二十四日奉本部送戶科抄出湖  
廣巡撫魏光緒題前事內開批據布政司呈報  
岳州之澧州巴陵華容安鄉石門荊州之公安  
石首被災獨甚赤地千里據各州縣申呈情詞  
真有不忍聞且見者合無卽行令該府州縣設  
法于備用積穀銀內動支鬻粥賑濟并爲題

請于京邊錢糧量爲捐豁等因呈詳到臣該臣會同

撫治鄖陽右僉都御史梁應澤湖廣巡按御史  
白士麟看得自

國家多故以來南輸北輓有一不出于田畝者乎  
自

功令嚴密以來此叅彼究有一不積于農人者乎  
即使雨暘時若播種如期而終歲所得尚恐不  
足以供租賦况遇災若此之甚者乎據澧州等  
處申報及臣詢訪所得咸謂前項州縣委果亢  
暘日久地土乾枯禾苗未插斃斃小民聊生無

計因有擗命投水及逃散四方如公安縣所稱  
賀廷松等其人者言之真可墮淚臣填撫一方  
實以奉職無狀召此災變卽速行罷斥猶以爲  
晚獨念此湯火之民匪早行蠲免大爲拯濟不  
爲溝中之瘠必爲萑苻之聚爲地方慮憂方大  
耳又况澧州邊近苗夷公安疊罹大故巴陵華  
容等處三楚積疲頻年通賦不知

天之降罰何故偏劇于此除臣行令該道府設法賑濟  
其續報州縣與天災傷輕小去處另容題

請外伏乞

皇上憫念災黎

勅下戶部俯將今年新派餉銀量行豁免其餘條編等銀姑令緩徵以待秋成之畢而各處在倉穀石應以平糶解京者姑免起解盡留備賑庶不遺可救萬一而

皇仁曾被無量等因本年八月二十二日奉

聖旨戶部知道欽此欽遵抄出到部送司相應酌擬案呈到部該臣等看得楚地高下異宜湖以南

恒苦澇而湖以北恒苦旱今歲荆襄長岳之間  
春夏亢陽災祲實多而撫臣特舉其甚者入  
告如岳之澧州巴陵華容安鄉石門荆之公安石首  
所被旱災獨甚而籲請

皇仁量免新派之三厘臣等何敢固執以重苦此一  
方災黎也獨是缺額可虞

天行時有處處議蠲則軍興國用于何取給焉但  
皇上原有委實災疲許撫按奏請之

明旨而臣部于秦晉河南鳳淮等處節次皆有酌減

且撫臣所請原指今歲而言後不爲例則似可  
畧示寬政者如岳之巴陵華容前寺臣唐暉  
疏其田多陷沒無田派糧而茲又以旱災見告  
情實可憫量免二厘澧州安鄉石門次之量免  
一厘五毫公安石首又次之量免一厘五年仍  
各全徵至于條編等銀緩徵以待秋成之畢雖  
起解稍遲然猶不失今歲之額暫假時日待其  
後至似無不可若在倉穀石平糶解京者盡照  
備賑則尚有可商焉查平糶一項原議州縣罪



贖春夏折銀解充新餉秋冬以三分之一解充  
舊餉則尚有二分可以備賑該地方省刑勸輸  
設法撫輯在良有司固饒爲之而難言輕留解  
部充餉之額需者也既經該撫具題前來相應  
覆

請恭候

命下臣部移咨該省撫按將湖廣省巴陵華容澧州  
安鄉石門公安石首七州縣新派三厘分別量  
減四年一年五年仍各全徵條編等項緩待秋

成畢後起徵其平糶倉穀不准留作備賑一  
遵奉施行

崇禎四年九月初七日具

題本月十一日奉

聖旨依議欽此

覆南雄新增橋稅仍留充贛餉疏

題爲寇變時發議足兵餉以圖安攘事專理新餉  
山東清吏司案呈崇禎四年八月二十九日奉  
本部送戶科抄出南贛巡撫陸問禮題前事內  
稱南贛舊制標兵外止設長寧牟角二營前撫  
臣劉澤深傳採輿論招新兵一千一百六十四  
名以五百名設太平堡扼龍南等邑之要害以  
五百六十名分戍會昌瑞金四縣以一百零四  
名補足長牟二營五百之數前撫臣劉澤深請

於贛州府解部額稅二萬兩內割留一萬一千三百餘兩永爲新兵之餉戶部以遼餉爲急不准割留議加南雄府太平橋稅四千兩以充贛餉覆奉

明旨欽遵在卷金非有事則借之戶部以充軍前之用事平則還之該部以餉遼左之需者也近該管理新餉部臣周士樸高目遼餉之詘括天下應還戶部之數而南雄增稅亦在其中該府遂遲延觀望不敢解贛矣伏乞



手尚俟查確會同福建撫臣專疏以

請也等因本年八月二十七日奉

聖旨戶部酌議具奏欽此欽遵抄出到部送司相應  
酌覆案呈到部該臣等看得贛南地扼四省爲  
山賊出沒之區兵力固不可不厚集者當前撫  
劉澤深題留贛稅橋稅上杭河稅時臣部念此  
三項已括入新舊額內奏明

御覽勢難捐以予贛惟太平橋稅除捐充舊餉一萬  
兩外尚可增額四千兩以充贛餉奉

旨咨行在案臣同官侍郎周士樸還餉未奉考成一  
疏內開南雄府增太平橋稅四千兩以佐贛餉  
之不足事已就平豈可置之不問是原非驟奪  
贛南之所有但謂稅因兵增或事平兵撤卽當  
解稅充餉此明白易見也今據該撫疏稱見招  
新兵一千一百六十餘名分戍要害以犄角賊  
鋒而粵中一聞部咨觀望不解是以商量查問  
之語爲斬截催取之檄也臣與同官再四酌議  
當橋稅未增本部尙代爲畫策以贍其兵今兵

既未撤本部何敢遽更初議以損其餉則此四千餘金者姑仍留餉贛俟後盜息兵撤另議解部可耳至于上杭河稅八千兩久成定額正在催解今云稅額不敷無所措手自不妨清覈確議但派之于民者毫厘尚難輕蠲而取之于商者千百豈容言減是在該撫之于閩撫注念餉額而曲爲酌劑也既經該撫具題前來相應覆

請恭候

命下臣部移咨該撫將南雄府太平橋稅新增四千



兩仍留餉贍事平歸部其上杭河稅八千兩勿  
得輕言減額一體遵奉施行

崇禎四年九月初七日具

題本月十一日奉

聖旨南雄太平橋新增稅銀四千兩依議仍留充贍  
餉其上杭河稅不得輕議減額欽此

覆甘按臣估變逆產克餉數目疏

題爲克餉逆產查估久稽伏祈申飭立報以佐軍  
興事專理新餉山東清吏司案呈崇禎四年七  
月二十四日奉本部送戶科抄出巡按直隸監  
察御史降一級管事甘學閣題前事內開看得  
薊遵二州縣除逆產報盡實無隱占外屯租米  
豆共計六千三百二石四斗五升五勺則召買  
之數可省如前至於變價銀兩業經撫臣傅宗  
龍留爲營房軍需之用無可轉解永平郡邑逆

產續有查報但冊數參差並有未佃地土仍  
再查容嗣奏

聞所有已定屯租米豆共一千二百九十五石八斗  
五升五合一勺六撮四粟可省召買當如其數  
其產價尚欠六千五百七十二兩零屢檄嚴催  
祇緣難之方解民既窮於居積又復苦于旱暵  
須緩時日乃可完追仰惟我

皇上軫念羣生當不靳此寬恤已完四千八百二十  
六兩五錢一分應否留抵永鎮月餉等因本年

七月二十一日奉

聖旨這迳產租價省召買抵月餉事情該部覈議具奏其未經承佃完納的仍行催結欽此欽遵抄出到部送司案查五月內順天巡撫傅宗龍題為懇恩准留堪動銀兩等事臣部覆

准借留李致和迳產變價銀一萬五千七百餘兩奏聖旨這迳產變價銀兩准照數支建營房銷算其未經根部的通著查明具奏其地土以奉旨召佃不得變價欽此六月內准該撫咨內開山東左右營

兵原借銀三千四十四兩合無卽於賈維鏞  
產變價銀內允留以作部發之數准本司說  
回咨云薊撫東行本部發銀二萬兩以備緩急  
不時之需原未經題

請者昨東兵遣歸就中支用三千四十四兩四錢應  
卽于此中開銷今查薊門五月餉銀缺數尙多  
計薊撫攜帶之銀尙存一萬六千九百五十五  
兩六錢似應照數撥充川楚援兵月餉若薊撫  
必欲留作另項開銷則須自行題明庶本部

糧有歸着冒犯產業變價奉

旨充餉似難再徇等因又准永平餉司刁化神爲呈  
請叛產銀兩就近改充月餉以省往返事堂批  
叛產銀兩就近改充月餉薊永兩地俱在可行  
似不必解京多此往返但須早具解發餉司申  
報耳新餉司速查行奉此又准薊州餉司李雲  
衢呈同前事內開遵化縣申報賈維鎬叛產變  
價并駁增銀共三千五百零八兩蒙薊撫批已  
咨部補還供軍需等因堂批逾產變價事干錢

糧新餉司查明酌議題覆奉此查得薊撫黃  
部發銀二萬兩既不作月餉支銷亦須題明其  
咨稱東兵支給過三千四十兩四錢既不於  
萬中開銷則賈維翰逆產銀三千五百五兩抵  
還該撫外尚存四百六十餘兩應歸薊州餉司  
克餉又按臣疏中據遷安縣申建昌路臬坂郭  
毓偉等房屋銀兩本營參將孫承業估變作援  
兵行糧不知銀數多少亦未言呈報何處似應  
行該撫查明并續查出增價銀六百六十八兩

五錢又盧龍縣在城變價山場估價一萬六百九十四兩一錢六分撫寧縣叛產估價銀三十六兩已完未完通應解永平餉司就近克餉其遵薊屯租米豆共六千三百二石四斗五升五勺又永平屯租一千二百九十五石八斗二升五合一勺即可省召買之數等因案呈到部該臣等看得逆產克餉蓋我

皇上雷霆震疊之餘洒然捐棄作邊徼之雨露者也臣部匱拙之極分毫珍若鉅萬獨念



皇上恩施但于軍前有濟何異克餉故前襄薊撫  
宗龍請留一萬六千兩創建營房不敢自盡  
城唯唯是聽迨後咨留賈維鑰逆產銀三千四  
十餘兩以抵東兵給過月餉臣輒力持不可  
前遜而後吝也先是五月內薊撫受

命東行念援兵之在遵者饑飽不時薊撫憂之臣  
誼切同舟因另發銀二萬兩付薊撫携去酌量  
緩急以補薊餉之不繼東兵借餉正可就中開  
銷而薊撫必欲索償于逆產變價臣思前發

萬未經題明原不當言借而允留一萬六千奉  
旨未久不宜再言留故移咨商確耳今據按臣疏是  
節撫業已動此三千餘金而餉司亦逡巡不復  
催該縣之解矣臣又何用讓此一萬六千而惜  
此三千餘也應聽該撫收用作正支銷唯是所  
發二萬兩既不入臣部月奏之數似宜蚤有歸  
宿料該撫謀

國熱腸節省多端必無絲毫妄費比者汰冗節浮  
裁定經制臣部實拜其賜亦非別有異同但額

餉各有款項那移恐難銷算似當卽作川糧  
遵之兵應得月餉支給庶餉有着落而措餉  
亦得實下一籌矣至于遷安盧龍撫寧所報  
變逆產一萬一千三百九十八兩六錢六分  
如按臣議已完未完聽永平餉司催解以充  
餉而不必解部轉發以省煩費者也內孫承  
佑變郭毓偉等房產抵援兵行糧者未著確  
數應令該撫查明呈報開銷月日以便稽覈  
其  
遵逾產屯和共計六千三百二石四斗五升

永屬逆產除未佃地土外已定屯租一千三百九十五石八斗五升零卽抵該鎮召買之額約省臣部七千餘兩而軍民利賴歲歲荷

皇仁於未艾矣伏祈

勅下該撫將臣部原發餉銀二萬兩卽抵月餉支銷  
薊遵變產銀該撫已動一萬五千七百餘兩起  
造管房又找還三千四十餘金俱聽該撫作正  
支銷存剩四百六十餘兩應歸薊州餉司充餉  
永屬變產銀一萬三千九十八兩六錢六分俱

解永鎮克餉三處屯租七千六百餘石用抵  
買俱自四年爲始其未佃者作何召佃統俟該  
撫議定奏明以便永遠遵行者也既經按臣具  
題前來相應覆

請恭候

命下臣部移交都察院轉行巡按御史并劄勸永司  
道一體遵奉施行

崇禎四年九月初七日具

題本月十三日奉

聖旨錢糧數目不許差參前已有旨這本內東兵給  
餉一款三數不同買雜糧產價一項遷安等處地  
產一項永平屯租一項薊遼永屯租一項三數不  
同是何緣故着該司官自行回話仍具明確另本  
來行欽此

題請預徵五年加派三分疏

題爲預算冬春月餉之缺循例仰

請預徵三分以接濟軍興事專理新餉山東清吏司  
案呈查得新餉每歲秋冬例題各省直預徵三  
分方今九厘之外又派三厘民間固已重困但  
三年預徵過三分是四年已缺三分勢不得不  
預徵五年以補其缺況原額實缺百餘萬前題  
月餉難遲一疏通矣四年正雜新餉未解部者  
止二百七十萬合諸鹽課共得三百四十萬每

月該餉四十餘萬不等自七月至十二月連  
計七個月便該三百萬有奇而海運召買不敷  
焉來年春期作何支給預徵一事固有萬不得  
已者矣本年八月內該河道總督朱光祚題  
預徵新餉萬非得已謹設勸義寬貧一法以廣

皇仁事八月二十七日奉

聖旨覽奏勸義寬貧雖不便著令若仕紳富民體念  
力行亦於鄉土有裨戶部知道欽此欽遵抄出到  
部送司相應酌議請



旨飭行以佐預徵之急等因案呈到部該臣等看得  
新餉預徵三分在當年不過偶爾權宜之計而  
餉額止有此數三年透給夫四年則四年預備  
於五年者勢也以三厘續加之數質諸撥兵夫  
撤之數似覺相當而抵兌扣留議及九厘之內  
者虧已甚多水旱盜賊議及三厘之內者蠲減  
亦復不少前催餉一疏清盤合算一毫無通僅  
足支至冬盡而春初之呼庚呼癸恐額

請已晚也伏祈

皇上卹念饑軍

勅省直諸臣照例新舊加額并預徵三分務于歲終  
解部缺額愆期者照例叅罰其江西三年分以  
壓徵故預徵五分今旣議改壓爲見亦預徵五  
分一體如期解部至於河臣朱光祚所議勸富  
寬貧一法蓋深知預徵之非得已而曲爲催科  
者開一方便門也卽臣部三年預徵疏內亦以  
鼓舞宦室富民稍寬窮乏爲言惟是海內仕紳  
富民識見公私不一度量寬卹亦異有輸將恐

後而以租吏及門爲耻者有負固規便而以里胥至門爲嘆者恐素封未必人人好義而中戶先已借口推託則反費調停矣恭繹

聖旨云不便著令大哉

王言近人情而風頑鄙海內聞之未有不洒然奉行者大約仕紳富民止有此糧數納之于蚤與納之于遲等餉也在良有司設誠勸導相習俗之厚薄物力之饒瘠以爲緩急期于不過急窮民而亦不偏強富戶斯折衷可行矣旣經該司案

呈併總督具題前來相應酌議題

請恭候

命下臣部移文各省直撫按司道衙門將新舊加派  
預徵三分歲前解部仍如督臣議勸諭仕紳富  
民將應納遼餉如數先完以寬貧戶之須臾而  
積胥黠戶亦不得藉口觀望致稽徵解庶預徵  
有法軍餉不缺而民不稱厲矣

崇禎四年九月初八日具

題本月十二日奉

聖旨這邊餉新舊加額依議着各該撫按督催經管  
有司預徵三分定限歲前如數解部以濟急需若  
有缺額愆期者照例查叅處治其仕紳富民倡義  
先輸者聽該郡縣設法鼓勵亦不許積胥黥口藉  
口觀望致有稽延欽此

題議收買薊鎮歲需米豆草束疏

題爲酌買薊門本色糧料草束以豫飽騰事專理  
新餉山東清吏司案呈奉本部送准順天巡撫  
傅宗龍咨爲亟查見在草束事內開據遵化縣  
署印推官張察查得見在預備倉粟米二千三  
百二十五石二斗八升自理贖穀二百五十八  
石三升五合永盈倉黑豆二千八百八十四石  
一斗一升六合見堆在縣草五千九百四十五  
束經歷張攀龍約實在草二千束何穀萬兵萬

馬一日之用惟望貴部洞矚危疆亟賜題發

萬金督催前來分給州縣勒限召買等因到部

又據薊州餉司李雲衢呈爲設法甦疲以軫民

困事內開薊鎮管路應支新舊餉官兵馬騾驢

支本色近奉劄撤回裁汰官兵一萬九千五百

五十三員名馬騾二千二百八十三匹頭每歲

統計可裁米十萬六千二百二十九石八斗八

升豆三萬一百十石八斗四升草八十九萬八

千六百束并除援兵折價外仍歲需本色米五

十萬九千三百九十一石零豆八萬九千四百五  
三十六石零草二百七十萬六千六百東除津  
門協濟山東漕糧霸密道屬原泲州縣并已完  
見在之召買及未徵有待之屯糧共計米一十  
三萬七千七百六十九石零豆十一萬一千二  
百八十石零草一百四十萬東挹彼注茲僅得  
其半蒲盤流算按數收除尚實欠米七萬一千  
六百二十二石零草一百三十萬六千六百東  
零至於豆則新舊通融數似不少但虜警以來



崇禎二年屯豆徵收十不及五三年業已全  
從前流算新雖有餘舊多不足仍缺額一萬  
石凡此皆不足之數倘不預爲設處寧免臨  
掘井之悞等因到部奉批薊鎮糧料草束本  
關係最爲喫緊秋成屆期圖之此其時矣新  
二餉司須是照冊合盤打算務求清楚可折  
議折可買則速買毋致有後時失事之嗟可  
速之速之奉此查得薊鎮八月分實在新餉  
撥官兵九萬三千一百七十九員名馬騾駝

千二百二十五匹頭內防兵六萬三千五百  
十六員名揭開月約米五千四石七斗三升  
合一年該米六萬零五十六石八斗五升六合  
援兵二萬九千六百六十三員名每名四斗五  
升月該米一萬三千三百四十八石三斗五升  
一年本折各半六個月約該米八萬零九十石  
一斗除去出防南兵在關支米外實該兵二萬  
二千五百二十二員名六個月該米六萬八千  
九石四斗通共該米一十二萬八千六百六十石

二斗五升六合馬騾駝每匹日支豆三升  
五千六百二石五斗每歲共豆六萬七千二百  
三十石每匹日支草一束月該草一十八萬  
千七百五十束每歲該草二百二十四萬一  
束以草言之據呈見在草一百四十萬束再  
草六十萬束加每年放青乾折乘除扣抵儘  
以支矣以豆言之據呈額豆一十一萬一千  
百八十石內新餉買豆九萬石舊餉屯豆二  
萬一千二百八十石二年屯豆徵收及牛三年

以全蠲是新尚有餘舊或不足但從長備豫再  
買豆二萬石而嚴比屯欠儘可無乏矣以米言  
之據呈新舊歲需米二十萬餘石通計米止一  
十三萬七千七百六十九石尚欠米七萬餘石  
內舊餉支米三萬一千六百餘石查四年新餉  
截漕召買共九萬石前霸密停買銀一萬二千  
兩創餉司通折一月可省米一萬四千石今又  
題截通糧五萬石已充然有餘但近日秦兵萬  
人又已防薊卽寧兵在薊有調回援遼者再買

米二萬石以備不繼比及來夏新漕又接矣  
此皆預計五年春夏接濟之需也計草價每束  
約三分該銀一萬八千兩豆價每石約六錢該  
銀一萬二千兩米價每石約一兩該銀二萬兩  
除豆草價銀已經劄發咨會薊撫外米價二萬  
兩亦應及時劄發召買內舊餉原係屯糧三年  
全蠲是三年分除漕運濟寧衛正耗米二萬六  
千七百餘石外餘米戶草皆開銷於新餉召買  
之中開四年分舊額支草二十八萬八千石

百四十八束而無額入之數是草束何來全取  
給新餉召買內是不得不拈出聽其另行酌買  
以敷缺額者也案呈到部該臣等看得薊鎮防  
援雲集本色支用浩繁卽計口數米計馬賦藹  
而調援不常兵馬增減尚日異而月不同廼欲  
泥定某月本色止若干升斗不爽恐萬萬不能  
故寧爲有餘毋爲不足蓋折色可以旦暮權宜  
而本色不能咄嗟立解也今據薊撫傅宗龍咨  
開與餉司李雲衢呈稱米豆草每年見額與缺

額不敷之數逐一打美再取該司新舊餉額  
額支之用與揭報八月分實在兵馬之數逐一  
扣除計兵九萬三千一百餘員名馬騾驢六千  
二百二十五匹頭每年實支草二百二十四萬  
一千束見在草一百四十萬束再買六十萬束  
約該一萬八千兩一年實支豆六萬七千二百  
餘石見在豆九萬石但恐馬匹漸增再買豆二  
萬石約該銀一萬二千兩而合諸放青折乾之  
所餘足以備一歲之芻秣矣實支米一十二萬

八百六十六石零已運米九萬石霸密停買新  
銀一萬二千兩近又請撥通糧五萬石再買米  
二萬石而就中尚有支銀不支米者雖秦兵重  
人近入防薊而在薊寧兵亦有出援者合諸每  
月米折之所餘固足以備一歲之宿飽矣以今  
歲八月屈指至來歲八月豈敢謂莖粒無缺而  
比及夏初新漕已至臣又可於津門召買中酌  
量裒益而爲之計內舊餉缺額草二十八萬八  
千一百四十八束應令劄銀另買而屯糧運次



不前宜乘今秋豐登之際責令該司嚴比  
足額勿得姑息從事而專望召買取足也至  
召買銀兩近議霸密二道屬不派蓋恐有司  
累里甲以示與民休息之意但薊州豐潤玉  
遵化原隸薊遵道屬咫尺餉倉無轉運之苦  
銀平價無措處之艱且收買本地之秋成以  
養本地之兵馬無私人不平之嘆則又不得  
做三年之例而行者今酌令餉司自買米一  
萬石草二十萬束豆五千石而餘責成該道酌

薊州豐潤玉田遵化州縣官自平買勿得派及里甲其價值照時估銷筭不許高擡亦勿短少而完欠催比則該道爲政恐餉司不能盡得之州縣也仍

効薊撫留意綜核設法清算庶內部金錢不致影射於折乾而邊倉顆粒皆得實充夫兵腹矣旣經該撫及餉司咨呈前來相應題

請恭候

命下臣部移文津部及薊撫司道遵奉施行

崇禎四年九月十一日具

題本月十四日奉

聖旨這薊鎮所需米豆草束照數及時收買併嚴追  
逋欠屯糧俱依議其承買各官務要躬親料理公  
平交易如有科派抑勒及委用奸貪苛索擾害者  
該撫按叅來重處不宥欽此

覆閩中撤回援兵月餉并解部軍餉疏

題爲欽奉

聖諭事專理新餉山東清吏司案呈先該本部題覆  
福建巡撫熊文燦奏前事內稱自臣受事以來  
將臣標下團隨員役裁去銀八百兩及鎮道將  
中軍裁去銀七百八十兩俱逐年解部又於任  
內設法節省解過餉銀二萬兩以充遼餉又選  
入衛赴援官兵一千五百名每年大約應解月  
餉一萬七千餘兩及臣會題留貼駕征軍銀今

且有一萬餘兩貯庫乃年積之而不竭者俱是額餉之數以上或裁汰或抽出那湊以資邊急變通以合時宜臣節次有疏報在

御前至數目之總撒地方之分派其詳在奏

覽冊中固簡明易見也年來司道諸臣嘗憂餉之不繼臣酌其緩急于兵亦嘗哀多益寡于餉亦嘗此縮彼申總期其濟實用不使有一毫虛冒耳卽前此盜賊充斥度支浩繁亦不患其不足皆查核之極嚴滲漏之無孔也往例兵糧限于每

季終給散臣欲得其宿飽定以一月一給今行之俱有成規而支之未嘗告匱皆可永著爲金等因崇禎四年七月初七日奉

聖旨該部知道欽此欽遵該本部覆疏內云閩之海寇已平援兵亦撤則應解月餉一萬七千餘兩及見存貼駕征軍銀萬餘兩即可長充新餉每歲解部濟遼不爲無名或念閩地物力有限不堪竭澤將此二項共銀二萬七千餘兩抵作該省四年分督撫軍餉三萬三千派內之數其餘

另指補足等因本年七月二十四日奉

聖旨閩省方在用兵尚有盈餉解部熊文燦具徵應  
幹這貼駕征軍銀一萬餘兩依議每年解充新餉  
至援兵旣已撤歸月餉仍行解進該省復將何項  
贍兵計部軍精固殷外籌保障亦重着再行酌議  
確奏欽此欽遵抄出到部送司相應酌覆案呈到  
部該臣等看得閩非無事之地也該撫臣熊文  
燦當山賊海寇之交煽拮据廓清而尚殫厥心  
力繕兵措餉以入援其忠勤幹濟誠未易泯沒

者據所稱見存貼鴛征軍銀一萬餘兩與該省  
每年解餉援兵銀一萬七千兩皆無絲毫累民  
而可歲以爲例者臣部因查該省原派督撫軍  
餉三萬三千兩該撫止今春解過二萬兩比以  
地方多事征調頻煩不能如額而該撫疏亦稱  
或裁汰或抽出那奏以資邊急故臣部議留以  
抵原額伏繹

明旨云計部軍糈固殷外藩保障亦重

睿慮弘遠微臣深愧所見之偏而所急止一隅也除



貼駕征軍一萬兩行令欽遵解部作額外其  
回援兵月餉一萬七千兩仍聽該撫酌量緩  
留贍該省額兵或有抽汰之餘量力奏解以  
原派軍餉缺額料該撫實心任事固自有權  
兩利之術也既經該司案呈前來相應覆

請恭候

命下臣部移文福建撫按藩司遵奉施行

崇禎四年九月十四日具

題本月十七日奉

聖旨這福建撤回援兵月餉銀一萬七千兩着留本省支用其軍餉銀還着足數解部本內兩贍字能贍改正行欽此

覆山海修城班軍行糧疏

題爲城守事專理新餉山東清吏司案呈崇禎四年九月十四日奉本部送准兵部咨該兵部題覆巡關御史王道直題議修理山海鎮城緣繇  
本年九月初九日奉

聖旨據奏修葺城樓事宜洵屬急務著該道將作速督理刻期竣役務以堅整爲功保左班軍行糧並菜量從優給該部卽與議覆其料理火器箭簾等項知道了該衙門知道欽此欽遵到部送司查得

行糧鹽菜事隸戶部相應咨行酌議妥確徑行具覆案呈到部爲此合咨貴部煩照

明旨內事理卽將保左班軍行糧鹽菜量從優給事宜從長熟議酌確速覆仍移文過部以便稽查等因到部送司相應議覆案呈到部該臣等看得關門屏蔽

畿輔扼戎馬之要衝修葺樓垣而築臺關門以繕東面維城之未備如關臣道臣所審視打算並設險占勝第一實著惠者也臣部職司糧糈所

用保左班軍仰奉

皇上量從優給之

旨敢不竭蹶以應查舊例班軍修築日止食米一升五合鹽菜二分崇禎三年八月內督臣張鳳翼題照防援一例支給臣部覆議班軍興援兵原自不同將留防久淹者日給鹽菜三分至現到秋班工作原其本分彼處行月二餉旣已預領食米之外似難多增人日給銀二分亦不薄矣奉

旨欽遵在案今保左班軍原以修理南海裏城移用  
修關則工作原非分外但程限迫速秋深苦寒  
臣部曲爲酌量除應食行糧米照管外每月支  
鹽菜銀二分五厘似亦儘足餬口而集事矣其  
中包攬隱占玩愒虛糜在關臣道臣當自能察  
心綜核也旣經兵部咨會前來相應議覆恭候  
命下臣部移咨兵部併劄該餉司照依班軍員名查  
給施行

崇禎四年九月十七日具

題本月二十日奉

聖旨是欽此

覆保撫題優免銀兩并留用疏

題爲酌定標營經制計處新兵額餉以飭軍實以  
蘇民困事專理新餉山東清吏司案呈崇禎四  
年八月二十七日該本部題覆保定巡撫丁胤  
楚題前事內覆稱保撫裁定真定各營經制連  
閏歲診銀一十四萬六千一百三十九兩五錢  
除原額舊餉連閏一十二萬六千二百六十六  
兩四錢仍餘新兵二千名尚不敷銀一萬九千  
八百七十三兩一錢於是搜諸易州天津井陘



道屬故絕汰軍得銀一萬七千八百九十四兩  
二錢五分二厘零再益以真定額編薊鎮民兵  
銀一千九百七十一兩二錢尚不敷銀七兩六  
錢四分卽於事故銀內通融支補臣部反覆稽  
察所開見在銀一十二萬六千二百六十六兩  
四錢中經先年題留有新餉雜項銀三萬九千  
四百餘兩臣部不敢驟問仍聽充餉至於題留  
生員優免銀四萬兩原不在舊額之內臣部題  
覆解經傳疏量留四萬以補援兵之費要亦自

崇禎三年而止且該撫疏云新兵之餉近雖議  
留優免要之權宜非制是固已卓見臣部議  
優免原非可割之額而

明旨暫留抵餉亦非久假之需其四年分四萬或割  
一半或盡歸還應聽該府解部抵充勸遼新餉  
不者亦可以資三輔召買之用而不苦於無米  
之炊也等因本年八月三十日奉

聖旨保鎮兵餉該撫既從長酌處這四年分優免銀  
兩應否歸部須有定議本內稱或割半或盡還是

何緣故著再查明奏來欽此欽遵查議具覆  
於九月初十日准保定巡撫丁魁楚咨爲查  
生員優免新餉報解逾期以信

功令以濟匱乏事內稱准戶部咨前事煩照先  
本部題奉

明旨內事理將議留四萬派之某府州縣若干以爲  
定額務足十二萬之數除三年分四萬兩留餉  
恒兵外其餘并四年分應解銀兩火速解部  
餉等因准此爲照生員優免前院題稱十二萬

係二年優免減徵之銀計算也今查有鄉紳雜  
職優免在內其生員優免銀止八萬餘前院防  
援通涿用過新兵月餉行糧塩菜安家等銀數  
至十八萬若止准留三年分銀四萬兩尚不足  
補防援錢糧四分之一各州縣借過京邊將何  
抵還本院經制疏內不敢動用此項者固惧權  
宜之非嘗正慮前銀之無補

畿南與各省同一援兵均有加派而錢糧抵銷獨  
不得邀一視之仁恐亦事理之未平而貴部所

隱軫也等因到部送司查得保定府冊報生員  
優免銀一萬八千六百六十五兩五錢三分三厘  
零崇禎三年并四年分俱經兌抵作米豆價  
值訖河間府報生員優免銀一萬二千五百六  
十六兩九錢四分三厘零三年分解克過八千  
四百一兩四錢四分七厘未完四千一百六十五  
兩四錢九分六厘二毫順德府報生員優免  
銀八千二百二十七兩九錢六厘五毫廣平府  
報生員優免銀一萬二千一百七十二兩八錢

四分八厘零大名府報生員優免銀七千七百  
九十四兩七分六厘九毫以上三府俱無解部  
至真定府并無全冊報部止栢鄉高邑贊皇衡  
水四縣冊報生員優免銀四千七百七兩三錢  
總計保河順廣八五府并栢鄉等四縣共報銀  
六萬四千一百三十四兩六錢一分零按之咨  
稱八萬兩之數尚少一萬五千八百六十五兩  
有奇或卽真定未報州縣之數也今准前咨相  
應查明一併具覆案呈到部該臣等看得恒山

兵餉議留生員優免臣部向見其餉無實額而  
畿南重鎮又不敢隔膜視之勉留四萬兩以濟其  
乏撫臣丁魁楚旣酌定經制實有是兵實有是  
餉且疏稱議留優免權宜非制則四年應還臣  
部當不再計而臣乃持兩端以

請者蓋恐營伍初立軍賦方定所搜汰於故絕額編  
諸項未必絲毫應手故仰請

明旨行令該地方酌量歸還耳原非有心依違兩可  
而臣之不斷固已自愧無地矣及准該撫咨稱

所屬生員優免止八萬兩前防援通涿借用正  
項至十八萬兩若止留三年四萬兩尚不足抵  
四分之一則是四年分四萬兩該撫又欲留用  
而前所云權宜非制一語蓋爲抵還留餘地也  
然

畿南召買日苦缺額而生員優免亦非可長恃之  
需姑再留四年二萬兩而前項空懸借支者似  
當聽令從長另自爲計可耳再查前撫題稱生  
員優免十二萬兩而今咨稱原并鄉紳雜職在



內其實止八萬兩尚難盡信果爾則真定府屬  
優免全冊何以屢催不報令臣部茫無稽考且  
如大名一郡殷富甲於

畿南而冊報優免銀七千七百九十四兩零反出  
廣平順德之下得無其中尚有容隱徇徇未報  
未報者在乎仍祈

勅令該撫查催真定優免全冊併有無遺漏速行報  
部以補召買之缺其援兵經費准與三年四萬  
四年二萬餘仍盡數抵充新餉不得裁損者也

既經該撫移咨并該司查明前來相應覆

請恭候

命下臣部移文該撫遵照施行

崇禎四年九月二十日具

題本月二十三日奉

聖旨這優免銀兩前撫題稱十二萬今查止八萬是  
否確數且生員尚多捐助豈鄉紳雜職急公反後  
又真定全冊何故屢催不報大名開報獨少其中  
有無容隱着該撫按詳查明白奏來援兵經費除

留三年優免銀四萬外依議再留四年分二萬  
餘仍解部克餉前解經傳虛冒餉額如何尚未具  
數覆該部作速遵旨看議具奏不得徇延欽此

覆河道總督題河餉考成疏

題爲立速解河餉之法以舒遼急事專理新餉山東清吏司案呈崇禎四年八月二十九日奉本部送戶科抄出總理河道提督軍務工部尚書兼都察院右副都御史朱光祚題前事內開臣衙門自天啓四年爲始額解遼餉二萬一千兩分派五省直邇來催逾急而解逾緩查三年應完之數至今七月尚有未銷批未起程者此雖有司之怠玩或因數少搭解或以間關險阻情

亦由念臣思更玩賞以限嚴之有情當設法以  
體之在開封府八千八百兩則責成管河道每  
年八月初一面差官領批赴臣掛號一面移會  
驛傳道或勘合或火牌填給夫馬廩糧如數而  
止定限九月內到部交納十月初回濟銷批在  
浙江杭州府一百兩嘉興府二百兩湖州府一  
百五十兩則責成水利道在蘇州府八十兩松  
江府七十兩常州府二百五十兩鎮江府一百  
五十兩則責成蘇常二道在淮安府五千一百

兩揚州府二千兩則責成淮揚二道行令各府  
官照數依部降法馬銷錠鑒字差吏齎批赴該  
道掛號子八月內解交徐州西庫赴淮徐道鋪  
號候到齊淮徐道總差一官轉解濟寧州在東  
昌府九百兩兗州府二千八百兩則責成濟寧  
兵河道在河間府一百三十兩大名府一百七  
十兩廣平府一百兩則責成天津大名二道各  
行府如數如式如限亦解濟庫完日聽臣填勘  
合一道選委職官解納太倉不出十月終而河

餉完矣此法一立臣止發限單催道而不催  
一省人文往返之擾二裁各屬專委赴京之煩  
三免搭解之稽遲四釐侵欠卹批之隱弊其於  
情法實爲兩得唯是銀係原封轉解恐到部  
假短少查出誰認各府官須辨驗明白具結  
道異日有發加等追究斷難姑息又不得不  
爲之防也等因本年八月二十七日奉

聖旨該部覆議具奏欽此欽遵抄出到部送司查照  
天啓四年爲始額派河道軍門解助運餉銀七

萬一千兩除崇禎元年以前逐年全完外二年  
分于三年四等月初二等日解官沈堯臣等解  
到銀二萬六百兩尚欠四百兩三年分于四年  
正等月二十等日解官李森等解到銀二萬六  
百七十兩尚欠三百三十兩四年分俱全未解  
部今該河道督臣疏議責成各該道臣設法催  
解相應查明完欠一併議覆案呈到部該臣等  
看得河道督撫所議每年解完餉銀二萬一千  
兩卽督撫軍餉之例也省直督撫或報而未解



或解不認額甚至付之不報地方各有緩急  
情各有意見臣部終不能強以必應惟河工  
餉銀節次如額告完雖二年尚欠四百兩三  
年尚欠三百三十兩而及額當亦無難者惟四  
分尚未解部未必盡屬有司之怠玩而零星  
解間關險阻誠有如河臣朱光祚所言者今  
欲立法分督如開封府則責成管河道限九  
月內到部浙江杭嘉湖三府則責成水利道  
南直蘇松常鎮四府則責成蘇常二道淮揚  
二府則責

成淮揚二道令各府如數于八月內解赴淮徐  
道轉解濟寧州山東東兗二府則責成濟寧兵  
河道北直河大廣三府則責成天津大名二道  
令各府如數解赴濟寧庫河臣總填勘合選貢  
解納新庫而河臣但發限單催道不催府臣部  
亦載入考成有不完者叅罰道府均受之其於  
河餉亦可無虞稍遲矣然此爲向後言也今九  
月屆終咨行轉發能無費時則權宜趲解以完  
此四年之局又在河臣之留意耳方今東警正

棘抽調旁午一切行糧塩菜費出意外而各  
撫軍餉一節迄無解到向者具疏請催蒙

皇上令臣部酌定規例除臣見在酌議外然軍餉  
派原係先年

廷集會議

欽飭爲額今卽不敢執額以索而前此全解者見  
解者得志則亦趲趲欲遜半解者見不解不  
者無妨復亦觀望不前冬月將至竟成絕糧  
人人如河臣之以軍餉爲急而設法講求無

十百千萬到部均濟緩急則臣部缺額之苦庶幾其有瘳矣敢因覆河臣之議而并及之惟

聖明之申飭焉既經督臣題議前來相應覆

請恭候

命下臣部移文各該衙門遵奉施行

崇禎四年九月二十三日具

題本月二十六日奉

聖旨助遼河餉銀責成各該道催解載入考成依議飭行四年分未解的着速行解進據稱各督撫應

解軍餉觀望拖延該部便常指名奏催何得但  
申飭欽此

覆津鎮餉乃三年冬季奏報疏

題爲遵

旨按季奏報事專理新餉山東清吏司案呈崇禎四年三月二十六日奉本部送戶科抄出天津糧儲主事樊維城奏前事報崇禎三年冬季分支放新舊兵馬錢糧數目緣繇本年三月二十四日奉

聖旨該部查核具奏其河間府收放錢糧應否自行另報併與酌覆欽此欽遵到部抄送舊餉司除舊

兵錢糧併河間府應否另報事宜該舊餉司

議呈堂另覆外所有新餉兵馬錢糧事屬本司

職掌該本司查據新餉冊開十月分實在正標

等營官兵七千五百九十三員名馬六百七十六

匹浙江援兵營官兵三千二百二十六員名

馬二十二匹共放過廩餉鹽菜米折料草等銀

一萬五千六百四兩八錢三分六厘十一月分

實在正標等營官兵七千六百五十三員名

十月新收六十名馬六百九十九匹比十月

收二十二匹浙江援兵營官兵三千一百三十一  
二員名比十月開除九十四名馬二十二匹與  
舊管同共放過廩餉塩菜布花米折料草等銀  
一萬七千一百四兩六錢一分九厘十二月分  
實在正標等營官兵七千六百四十八員比十  
一月開除五名馬七百二匹比十一月新收三  
匹浙江援兵營官兵三千一百十員名比十一  
月又開除二十二名馬二十二匹與舊管同共  
放過廩餉塩菜米折料草等銀一萬五千五百



八十五兩八錢八分外放補還崇禎二年借  
漕米克餉及應援官兵借過餉庫銀共四千  
百八十九兩五錢八分六釐五絲九忽統計冬  
季分共放過銀五萬二千四百八十四兩九錢  
二分一厘五絲九忽此該鎮餉司

奏報之數也內查十月分正兵營該還官銀五十  
四兩四錢九分一釐六毫鎮海營該還官銀二  
十三兩六錢一釐九毫冊中俱未明開節贖項  
下又鎮海營補還崇禎二年十二月分三月正

月分借支漕米一千五百六十二石八斗七升  
克餉共還銀一千九十四兩九釐內丁管補還  
二年十二月分并三年正月分借支漕米八百  
二十石克餉共還銀五百七十四兩俱未明註  
所還項下又開關院操賞支銀一百二十二兩  
二分七釐查該鎮動支正餉克賞會否有例逐  
件駁查去後九月十六日准天津餉司主事樊  
維城手本逐款登答謂正兵鎮海二營十月分  
應該還官銀兩因二年冬季餉銀被劫續又三

次發援兵月餉安家鹽菜無措借動庫中各項  
舊餉已將前項逃故餉銀抵還舊餉放訖故不  
報入節曠項內其鎮海內丁二營補還借支漕  
米銀兩因二年十二月餉銀被劫正月分夷屬  
梗道部發不前是以借支海運漕米充餉補還  
銀兩仍買米發還海運訖舊例關院出巡操賞  
准天津道手本在於新餉逃故銀內動支歷來  
皆然等因回覆到司相應具覆案呈到部該臣  
等會同管理新餉右侍郎周士模查核餉務奏

科右給事中許世蓋查看得錢糧務求清楚有  
疑則不得不駁款以查無弊則不得不逐款請  
銷如天津餉司樊維城所報崇禎三年十月十  
一月十二月分新餉支放開管收除在俱極明  
悉唯十月分正兵營少開節曠銀五十四兩四  
錢九分一釐六毫鎮海營少開節曠銀二十三  
兩六錢一釐九毫鎮海營補還漕米克餉銀一  
千九十四兩九釐內丁營五百七十四兩未註  
所還項下及關院操賞動支正餉果否有例詳

加駁查間據該司逐一回覆或抵還舊餉或  
還漕米而操賞取給新餉迺故兵銀歷來有  
則該鎮之分毫莖粒各有歸落相應准其開  
者也既經該餉司奏報前來理合查覆恭候  
命下臣部移文天津司道遵奉施行

崇禎四年十月初一日具題本月初七日奉  
聖旨據奏樊維城新餉駁款覆覈已明知道了准  
開銷欽此

議覆三屯鎮營經制疏

題爲看詳經制煩費可惜懇乞

聖明勅下更定以垂法守以便供億事專理新餉司  
會同舊餉司案呈崇禎四年八月二十九日奉  
本部送戶科抄出兵科外抄該順天巡撫傅宗  
龍題前事內開准三屯鎮總兵張國振手本移  
送更定經制清冊到臣該臣看得三屯鎮總兵  
官薊門之主將也其部兵無事則團操有警則  
赴戰薊門之主兵也旣爲主兵則兵之多寡餉

之厚薄必有截然一定之規而後可久而不變  
且必主兵漸強而後客兵可以漸撤又必餉足  
以給兵之用而後可望兵之漸強則餉固不能  
如客兵之厚要不能如舊軍之薄也新兵一萬  
募足者八千六百餘名向來泛泛然募之買買  
然聚之既非土著半係孱夫名曰練之以代客  
兵而未嘗作何部署卽該鎮亦不知此兵當用  
之何處而况裨將以下乎卽練之一字亦託之  
空言而已臣與該鎮面議旣已儼然開鎮而徒

擁家丁數百名雜流數百名曾不足當一路之  
寇賊何以鼓全鎮之精神乃合新舊見在之兵  
酌量裒益併去援兵一營汰去老弱新兵千名  
立爲三屯標中左右前後五大營總兵官自將  
之中協一營副總兵官將之灤陽一營姑仍舊  
貫其官則總鎮標下限定旗牌聽用等項五十  
二員餘則照營定官不使一冗員措足其間也  
其兵惟親丁千人食餉視各兵差厚其餘分爲  
二等月餉一兩五錢者歲終不給布花月餉一



兩者歲終仍給布花銀八錢四分一切新兵舊  
兵廠兵民兵行糧月糧雙糧單糧名色盡行刪  
去餉司給餉除儘舊餉外不足者以新餉補之  
則新舊二餉雖若混而爲一其實亦判然可考  
也又三屯舊有民兵銀操賞銀原係保河廣  
四府解至遵化縣聽支向以不經考成往往拖  
欠又以前任撫臣王應豸題捐一萬五千解  
太倉而失額愈甚三年來俱借動薊庫餉司  
銀以補之終是苟且支吾之計今總鎮盧給

費歲額千金則操賞之省者多矣然終不足抵  
民兵缺額之數也今議將四府銀改解戶部而  
三屯之餉通于薊庫取之拖欠那借之弊或可  
爲之一清耳兵制定矣清理強壯之戶丁簡汰  
串營之雜卒嚴稽虛占加意拊摩使三屯之壁  
壘頓新全鎮之聲靈盡赫是則該鎮之事臣于  
定經制之日所惓惓屬望之者也馬匹缺額尚  
多亟應買補料草之數未可定也獨以兵餉言  
之視前月可省五千四百九十九兩有零歲計

之則共省六萬五千九百九十餘兩也臣已移  
送咨冊聽督臣主稿具題適舊督臣張鳳翼以  
交代未題新督臣以初任卽出行邊移咨到臣  
屬臣主稿除備造青冊咨送戶兵部科查核外  
臣謹總括兵餉大端會同薊遼總督曹文衡合  
詞以

聞等因本年八月二十五日奉

聖旨該部科覈議具奏欽此又該部遼總督曹文衡  
題同前事本年八月二十六日奉

聖旨已有旨了該部知道欽此欽遵抄出到部送司  
查議間續奉本部送據薊州餉司員外郎李雲  
衢呈爲兵餉日增月益等事內稱據薊鎮三屯  
營李副將下委官劉友兒投崇禎四年六月分  
撫道掛號勇壯糧冊實支共該銀一千五百一  
十八兩二錢四分據此查得馬蘭等四路提調  
防三屯左營勇壯九百八十七名舊例俱在舊  
餉項下開銷今該營開勇壯千把官九百九  
十員名見俱改食新餉支銀一兩五錢與歷來

所支糧銀大相徑庭曾否奉文加增是否新定  
經制事干

奏繳新舊互異誠恐叅駁未便移文薊遵二道確  
查去後准薊州兵備道王副使手本回稱該前  
道左僉事議將該協勇壯改爲新兵應領新餉  
緣繇呈詳順天巡撫傳僉都御史蒙批勇壯改  
爲新兵准照食新兵之餉自本院下車後五月  
初一日爲始開支以示本院軫恤之意此繳又  
准遵化兵備道方副使回稱漢庄勇壯議食新

餉既經前道呈詳撫院批允是應支給等因各  
到職看得勇壯上班支銀一兩下班仍食小糧  
此舊例也今改爲新兵領食新餉每月應支銀  
一兩五錢在院道軫念戍守艱勞加以厚糈用  
鼓士氣業經查明掛有號單司餉者所當照單  
支給第月餉有新舊之別將來月報參差恐煩  
駁追深屬未便呈乞本部堂裁酌應否改入新  
餉每名應否支銀一兩五錢速賜批示以便奉  
行等因到部奉批勇壯加糧照新餉例支給用

示鼓舞亦是督撫苦心但新舊二餉合而爲一亦一大關鍵也近督撫有經制一疏方在集議尚未題覆似難遽爲允行五月爲始亦須商確今且照舊例動舊餉支給仍候題奉

明旨之日再行知會除將該餉司原詳批回照行外該新餉司查得薊鎮舊餉每年京運三十一萬五百五十三兩六錢四分二厘民運屯糧七萬一千九百三十六兩每月約計三萬餘兩新兵防援餉銀則每月十四萬上下矣舊餉京運自

按月

奏報之後按季無欠而民運屯糧及民兵操賞積  
年有欠新餉則逐月奏發遲之月餘則呼索難  
待矣舊餉有單根雙糧二兩至四錢之懸絕而  
新餉則一兩四錢遂爲下則鎮兵所以逃舊而  
竄新厭薄而趨厚舍壓欠而就見在如遵化左  
營松棚路俱已盡化爲新餉而薊撫又欲採金  
新舊并爲七營此其法誠善其籌慮誠遠但細  
查冊開并改定營制裁汰老弱未載係何將何



伍之兵卽三屯左前後管內亦不知用舊餉  
何新餉幾何雖云不足者以新餉補之然亦須  
合盤算就每月舊餉若干新餉若干以便給發  
再不然分定舊餉額銀可食幾營新餉額銀可  
食幾營庶餉司月用易于造報而內部完欠易  
于查發內如薊鎮民兵據該撫欲改解內部以  
便責成而操賞并三屯月餉銀卽于薊庫取之  
是欲改民運爲京運也但不知取之舊乎取之  
新乎前六月中李餉司呈請薊鎮操賞借過

銀三千五百四十一兩零未經解補而又索四年夏季之賞該本司說堂移咨停給并咨保撫催解民兵銀兩堂批保河民兵舊餉司有銷算新餉司不知也移付舊司查催間如該撫所議則當仍取諸太倉舊庫京運而檄四府解抵似爲長便又如馬蘭等四路調防三屯勇壯九百八十七名例食舊餉舊例二三四五月上班支銀一兩正六月下班支銀七錢八九十十一月上班支銀一兩七月十二月下班支銀四錢五

分統計一歲除閏月外止支銀十兩三錢分  
前道左應選呈請該撫准改爲一兩五錢統計  
一歲每名除閏月外增銀七兩七錢卽曰不足  
者以新餉補之則新餉分外加出七千餘兩且  
難支持而曰盡改食新餉則舊餉每年近萬兩  
將何歸乎厚餼鼓壯苟利封疆何分新舊或仍  
舊制或照督撫新制遵行等因呈堂奉批此指  
三屯諸營猶非薊鎮全數而川遼鎮算援兵又  
在其外初議紛更見爲小省到頭通美終覺未

費不可不謹如慮終也又呈奉新餉堂批原爲  
新舊混淆彼此推諉故設官分治今又操而爲  
一是教之混也將來不便管理不便考成如念  
舊軍餉薄比例新餉增之可也何必又動新餉  
致目前又生一番紛紜也新餉司議之奉此相  
應覆

請再行詳議酌妥等因案呈到部該臣等會同管理  
舊餉左侍郎康新民新餉右侍郎周士樸查核  
餉務吏科右給事中許世蓋看得治兵者欲厚

精以鼓銳嘗利于合合則甘苦均而營衛壯  
怨望不平之患治餉者期計口以授餐嘗利  
分分則營伍析而銷筭明無影射不清之虞  
督撫裁定經制議將三屯新舊諸營并灤陽  
另設中協一營合爲七營裁汰老弱歸併零  
將舊兵每名每月俱定一兩五錢而不足者  
新餉補之其于兵制誠直截簡易可行矣然  
等尚有商量者如冊中三屯營新兵援兵未  
係撥何弁所領卽舊兵亦未指定何營所隸

中協一營新舊奏報之冊俱無可查對灤陽一  
營疏稱姑仍舊貫查該營原有萬曆十一年題  
准加添兵部馬價銀三千六百兩增入薊鎮客兵額  
餉之內俱見年支給前該餉司呈稱兵部踰年  
未發速咨解給冊中亦未指明此項作何銷抵  
而曰每歲節省銀六萬五千九百九十餘兩大  
約新餉省剩似指募額未足而言舊餉省剩則  
并民屯積欠在內非果有見在扣存該餉司者  
也馬騾稱見在一千二十三匹頭月共支銀一

千一百五十兩八錢七分七厘查新餉冊內  
各營并援兵灤陽止馬一百三十八匹餘馬  
係舊營或別有調補也以上兵馬通未美及  
米豆草束將全折不給乎抑此外尚需本色  
又如馬蘭等路調防三屯勇壯九百八十七名  
例支舊餉今欲加至一兩五錢除閏月外每名  
歲增七兩七錢卽欲以新餉補之恐未免有苦  
人之苦而盡補新餉則舊餉何歸且薊鎮新舊  
兵餉原當通盤打美今止單論三屯管制兵餉

各有損益其餘營伍俱仍舊否恐垂涎厚餉者  
衆一營如此而他營復然一鎮如此而他鎮復  
然日增日盛濫觴無已俟彼時而後臣部起而  
言之晚矣宜該餉司之慮及銷筭而不敢卽應  
也臣等竊謂以

皇上之金錢養

皇上之士馬新舊何容分畛但事期可久軍士從薄  
之厚如饑鷹投肉從厚議薄如驕子護乳舊者  
額制也新者權宜也以新易舊長此不變勢不



至以加派抵民運京邊不止者且新餉當東  
滇南兌留蠲緩之後日苦缺額舊餉當賦役  
減五十萬餘之日尚存抵欵伏祈

皇上勅下督撫再一從長酌定如可仍舊則仍之似  
便而舊兵壯勇者不妨比新兵例量加舊餉以  
示鼓舞若必欲聯絡劈指成一重鎮則亦當以  
舊併舊管新併新營舊餉舊兵新餉新兵或緩  
急暫爾通融而分數終須別白庶司餉者新舊  
易于稽核而請餉者完欠亦易于呼應也至于

保河四府民兵操賞應解薊庫者令其改解太倉載入考成而該鎮但于薊庫取給是改民運爲京運舊餉未免稍費支持而與其積逋不前借用無已則不如依督撫所議之爲得也恭候命下臣等移咨督撫目前支放軍餉且照舊例仍將新舊營制并灤陽營兵餉再行通長酌議其餘他營他鎮應否援以爲例及民兵操賞每年應該若干於薊餉支給卽將保河四府銀兩改解太倉抵補酌議妥確臣部覆奉

廣雅卷之四  
明旨遵照施行

崇禎四年十月初四日具

題本月初八日奉

聖旨據奏所定經制止及三屯且冊報營弁兵馬項  
款俱未詳明至勇壯議加厚糈新舊餉額混淆在  
不便稽核該部卽將本內應商諸款行該督撫從  
長酌定還通鎮打筭務期畫一永遵其保河四府  
民兵操賞銀改抵太倉載入考成依議行欽此

山東援昌兵出關隨地支給行鹽疏

題爲欽奉

聖諭事專理新餉山東清吏司案呈崇禎四年十月初一日奉本部送戶科抄出督治昌鎮兵部右侍郎侯恂題前事題

請補發借給過東援官兵鹽菜行糧月餉并議出關應援在於關寧支給鹽菜行糧緣繇本年九月二十八日奉

聖旨戶部酌議具奏欽此欽遵抄出到部送司查得

昌鎮新兵月餉額定月發一萬兩按月解發  
缺九月十四日給該鎮委官黃一元領九月餉  
銀八千兩併發東援行糧鹽菜五千兩續於十  
月初二日給委官黃一元領運十月分月餉一  
萬兩再找發九月分月餉二千兩以足萬兩之  
數其東援官兵三千五十二員名嗣後行糧鹽  
菜例應于寧遠餉司關支相應題覆案呈到部  
看得通昌新兵休養簡練已有年矣一聞援  
之

行踴躍趨赴朝發夕行所需行糧鹽菜臣部何敢後  
時九月十四日兵部咨到卽劄發昌鎮九月餉  
八千兩東援行糧鹽菜五千兩給委官黃一元  
領運續聞援兵欲得兩月月餉該司那移補湊  
於十月初二日又找給二千兩另發十月月餉  
一萬兩則督臣所請於

皇上者已一一應手矣惟草料折給照去冬召買餉  
豆每升以八釐算草每束以三分五厘算則有  
可得而議者查昌鎮去歲定召買價原議春夏

量加秋成另算且行糧原有定例與石買不  
況今歲豐登草料價平料豆每升不過六厘算  
在二三分之間今每日折給五分九厘似覺太  
侈姑減九厘每日五分比居嘗每日三分之例  
不啻厚矣其原領踰額者自當另行扣筭而累  
日回鎮各兵不得援之爲例至昌鎮未調之兵  
更不得比例者也除今後月餉仍在昌鎮按月  
領發外行糧鹽菜草料卽於寧遠餉司查給料  
草原無行月兼支不得重複冒領通鎮東援各

兵部照此例恭候

命下臣部移咨通昌督治衙門併行各該餉司遵奉  
施行

崇禎四年十月初七日具

題本月初十日奉

聖旨這餉料依議一面給與其昌鎮援兵着兵部遵  
旨查明速奏欽此



覆滇省需用三年分本省未完新舊餉銀疏  
題爲賊勢甚獷餉匱難支暫留解部銀兩拯救萬  
分危急以保固封疆事專理新餉山東清吏司  
案呈崇禎四年九月二十一日奉本部送戶科  
抄出雲南巡按監察御史趙洪範題前事內稱  
據雲南布政司經歷司呈承奉本司劄付蒙臣  
憲牌准撫臣會彙該本司查得崇禎三年分抽  
扣修衙班價革冗役酌買稅損公費紙贖清虛  
冒等七款該銀二千九百六十六兩七錢零已

完二千七百九十兩三錢零未完一百七十一兩四錢零省直衛所屯田倉穀優免丁糧房產稅契抽加工食免

覲路費缺官俸薪典鋪抽稅雜支工費等九款該銀三萬五千六百四十八兩九錢零已完一萬一千一百四十八兩零未完二萬四千五百兩八錢零三年秋冬二季分錢息銀九千三百五十六兩二錢零四年分又該積貯以三年秋冬二季比算本年可獲一萬八千兩連前秋冬共該

銀二萬七千三百五十六兩二錢零已完一萬  
八千三百五十六兩二錢零未完九千兩追完  
犯官李同然贓銀八百七十八兩二錢四分王  
來鳳銀一百六十六兩共一千四十四兩二錢  
四分崇禎元年起至四年止裁省站廩該二萬  
八千四十五兩二錢零內除解官李茂奇葉正  
芳鳳翕如三次解過一萬一千八百二十一兩  
零未解銀一萬六千二百二十四兩四錢零已  
完四千八百九十二兩零未完一萬一千三百

三十二兩四錢零盡數清查計一十九款內  
買稅清虛冒衛所屯田典鋪抽稅四款原無徵  
收在庫解部銀兩其餘十五款通共該銀八萬  
三千二百四十兩六錢零已完三萬八千二百  
三十兩八錢零未完見在各屬催徵銀四萬五  
千九兩七錢零合無軫念邊鎮多事軍需萬分  
缺乏俯准暫留以濟燃眉之急其前款銀兩已  
完在庫者卽許動支未完者乞賜憲檄急催該  
處有玩視違限者查叅嚴軍需早得發手而止

馬賴以飽騰矣再照

陵工一項非地方所得議留相應遵照另貯解進  
支剌站銀亦係解京兵餉之需留以餉滇同一  
封疆同一兵餉似應一併題留以濟缺乏俟平  
賊凱旋每年仍照解部不敢寬延等因具呈按  
臣會同撫臣具題本年九月十九日奉

聖旨用兵湏先籌餉豈得漫無成畫及至失事但勤  
呼籲據奏兵屯數萬乃王伉疏稱賊騎數百望之  
卽潰多兵何用這所請留餉銀該部確議具奏欽

此欽遵抄出到部送司案查崇禎四年六月  
二日該本部覆滇撫王伉逆會兇勢日盛一  
議將該省二三兩年柴馬銀一萬一千七百  
兩留充滇餉其餘以五千人授滇卽應移五  
人楚餉餉滇等因本年六月初四日奉

聖旨依議欽此續該本部覆該撫按王伉趙洪範會  
題夷情孔劇一疏除先經留該省二三兩年分  
柴馬銀一萬一千餘兩外復將四年分該省  
派銀一萬六千一百九十四兩零襍項六萬

千餘兩錢息二萬兩又會議二十款內舊餉  
千九百五十餘兩盡聽該省畱用俟次年事平  
解部其解黔楚餉應撥十萬兩仍聽總督酌量  
合兵多寡刻期差官轉解滇省充餉等因本年  
六月二十二日奉

聖旨滇省四年分應解新舊餉銀依議俱聽畱用其  
黔餉接應著朱燮元便宜酌行欽此通行遵照在  
案今再據按臣疏除元二三四五年未解裁省站  
廩併支剩站銀移咨兵部議覆外其四年分錢

息二萬兩前經覆

允畱用不必再議查犯官李同然贓銀於本年八月  
內解到七百一十五兩已劄新庫查收訖尙存  
一百六十三兩三錢四分王來鳳銀一百六十五  
六兩并三年分未完新舊襍款餉銀與應解錢  
息相應議覆案呈到部該臣等看得滇餉已成  
滇餉難繼臣部兩次具題已將楚餉在黔者聽  
總督酌量餉滇又將滇省四年新舊二餉如崇  
馬如錢息如加派如襍項已盡聽該撫動支紿



十餘萬以贍滇師今據按臣疏

請或拜疏時尚未接臣部覆奉通行之咨文抑以在  
畱者祇四年之額猶存乎見少耶臣部誼切同  
舟何敢故爲吝惜惟是東氛正惡征調勞午滇  
雖遠在萬里而存一分尙可抵一分之缺必不  
得已再將所請三年分未解舊餉會議七項銀  
二千九百六十六兩新餉錢息秋冬二季分銀  
九千三百五十六兩二錢并犯官李同然王來  
鳳贍銀除解過七百一十五兩外存銀三百二

十九兩三錢四分以上共銀一萬二千六百五十一兩五錢四分俱聽留用其餘三年分新餉雜項銀三萬五千六百四十八兩九錢內已完在庫一萬一千一百四十八兩仍速解臣部以濟關寧之急未完二萬四千五百兩八錢零照數勒限催解接濟此誠臣部東西却顧萬不得已之苦心也旣經該省按臣具題前來相應覆

請恭候

命下臣部移咨該撫併都察院轉行巡按御史遵奉

施行

崇禎四年十月初九日具

題本月十三日奉

聖旨這留克滇餉及解部銀兩依議欽此

覆餉院條議召買官買官解疏

題爲召買米豆責成官買官解欽奉

明綸已布臣謹補牘詳奏仰候

聖裁下部酌議亟除民累以裕軍需事專理新餉由  
東清吏司案呈崇禎四年九月十四日奉本部  
送戶科抄出督餉御史吳煥題前事條議召買  
之法內開欲盡去民害決非官爲獨任不可詳  
查部撥之價曰太倉銀曰襍項銀不足則補以  
加派銀此銀若不畱地方召買卽應勒限解部

分毫皆屬遼餉稍遲則叅罰隨之者也特在室  
之徵收預儲而已米豆原無處不產誠能以是  
銀公平收買運之水次爲力頗易間或有產米  
不產豆產豆不產米而聚集貿易之場則無所  
不有官差一誠實佐領齎銀往糴數百千石可  
以立辦一舟裝載便可駕至天津卽就天津左  
側亦多大賈巨商居積販糴就彼處買納更省  
腳價而議者欲於產米豆州縣將百姓應納錢  
糧卽令以本色代折亦屬便計但本色止可

收不宜盡折何也兼收本色亦稱便民若盡折  
則一方糧食有限罄竭輸官必至騰貴恐又爲  
民病已收納之間胥猾又能爲奸當嚴防勒索  
贈耗市斗收入之弊總之不涉民間其苦方可  
盡脫而官任其事欲求省便之策則全在秋成  
糴買一着爲緊要也當新穀方升其價必賤價  
值三分決省其一則轉輸腳價可以資補且隔  
年儲蓄以待春夏二運軍糈尤可無誤獨是糴  
本應蚤計設處秋成將收之際宜明下一令曰

今歲糴買運解蒙

聖恩明禁盡不以累民而部撥價值必須早爲徵辦  
小民受從前苦累如赴湯蹈火一旦免其格外  
之重累而自完分內之錢糧誰不樂輸恐後者  
則銀亦易辦也總期視此事爲已事勞費不費  
悉心籌畫仰體

聖上救民水火之心而此事尤宜統任之郡守夫府  
官爲州縣之師帥師帥挈領百邑稟承宜爲先  
時曉諭臨期董督後時稽察禁擾有禁報完

期嚴爲約束期會則各州縣不致互相觀望延  
挨蹉過秋成時候直至價湧費煩圖之難矣每  
歲終各府官查造一冊詳報部院撫按及臣衙  
門某州縣買辦已足某州縣買辦未完孰親經  
理而遵

功令孰止奉空文而仍擾民如經召買處所各府  
推官職司耳目尤當責成不時廉訪揭報庶玩  
者知警無有朦蔽矣竊念畿南保河真順廣大  
六府向來寬恤不行加派故民得以餘力受此



苦累而不敢言今仍加派斷斷不能又堪此  
困至順永二府尤係根本蹂踐之後倍宜體恤  
部議停買少蘇目前困苦部臣救民念切宜再  
爲熟計霸密兩道屬米豆爲數不多或分任各  
餉司得永寬此二府民力尤屬急務也等因奉  
年九月十二日奉

聖旨召買原非厲民只在有司精心潔守躬親任事  
近來貪惰自便濫用佐貳衙役擾害地方已經  
拏問這本說責成知府推官訪報亦是如有委

靡徇庇的叅來一體重處其畿輔寬恤等事欽  
部酌議具覆欽此欽遵抄出到部送司案從到  
部該臣等彙覆本年十月初二日奉

聖旨前各疏條議召買事宜該部自當逐一確覆簡  
切著明以便奉旨頒行官民共曉若連篇彙奏中  
多牽湊支詞何裨遵守還着分別清楚另本來行  
欽此除將津部召買條議另疏議覆外所有餉  
臣條款相應遵

旨逐一確覆案呈到部該臣等看得召買累民十餘

年於茲矣非召買之累民而奉行不力或  
里甲或假手胥役因緣爲奸故賠苦驛騷擾  
勵階耳

皇上垂念民隱恐不肖有司給發滋弊而嚴其責  
撫按及督餉御史定以官買官運永不擾民至  
哉

王言百世爲利省直從此有起色矣今五年召買  
當預計而餉臣仰體

皇上寬恤之仁備抒所見以期可行臣謹仰遵

明旨臚款確覆焉一官買官解本部坐定太倉雜項  
諸銀若不買米豆亦須刻期解部與見發價何  
異今如餉臣議以後不許私派里甲務令州縣  
官以見銀公平收買自運水次卽缺米缺豆於  
鄰境場集處所或選小心佐貳或召誠實大商  
隨便市買亦可立辦一召買及時民間新穀方  
升其價必賤况秋禾旣登完糧亦速今如餉臣  
議令州縣官細心蚤計將工食等項可停緩不  
發者及時平糴預儲以待春夏之運度可省價

值三分之一而卽以補腳價之浮或量以舊額  
餉之餘一責成郡守推官知府爲州縣之師  
先時曉諭後時稽察某州縣原派米豆若干  
銀坐定若干某州縣有餘若干可撥補某州  
若干期會約劑若家督之分課亞旅而推官  
司耳目卽此召買一事某某婪擾某某清靜  
某勤敏某某玩廢尤當不時揭報撫按令州  
惕然儆省一寬恤順永所屬畿南六府新餉  
銀六厘亟議官買所不必言順永雖未加派而

殘破之餘生理未周今如餉臣議向後米豆貴  
令各餉司任買或兵馬倥偬應接不暇量撥  
銀於附近州縣官自平買亦不擾民以上諸款  
餉臣悉心區畫而臣部逐一查核皆切實可行  
其於召買無遺利矣恭候

命下臣部移文各該衙門一體申飭遵奉施行

崇禎四年十月十一日具

題本月十四日奉

聖旨畿輔民艱陪宜軫恤這覆議召買事宜官買官

解乘時糴儲洵屬便計仍着知府推官不時稽察  
如有州縣官玩擻等弊卽開報撫按叅處永順  
府責令餉司任買俱如議飭行欽此

覆津撫條議召買兼徵米豆錢糧兼收銀錢疏  
題爲召買病民敬抒一得以裕餉便民事稟理新  
餉山東清吏司案呈崇禎四年八月初九日奉  
本部送戶科抄出天津督餉部院崔鳳翀題前  
事條議召買事宜緣繇本年八月初六日奉

聖旨召買病民固繇官胥婪猾亦因該撫按不實心  
查糾徒以申飭塞責改徵米豆前已允部請這條  
奏更悉併徵收銀錢兼用是否長便該部酌議具  
覆欽此欽遵抄出到部送司案呈到部該臣等案



履本年十月初二日奉

聖旨前各疏條議召買事宜該部自當逐一確覆  
切著明以便奉旨頒行官民共曉若連篇累奏  
多牽混支詞何裨遵守還著分別議奏  
欽此除將餉臣召買條議另疏議覆外所有  
部條款相應遵

旨逐一確覆案呈到部該臣等看得遼事亟而召買  
興初未嘗不兵民兩便而法久弊生科索派稅  
所在稱苦夫太倉雜項以及優免諸銀何一非

開寧急需乃臣部坐定以見銀平易米豆而有  
司暗派巧侵致爲羈囿則奉行不善之過也  
臣翟鳳翀身悉其弊有慨於中條列五款皆切  
實可駐召買之累者臣仰遵

明旨畧加叅酌逐一覆覈焉

計開

一議派徽州縣召買雖坐定太倉新餉雜  
派優免等銀然數未必相當銀未必  
湊手有司每煩措借及措借而價已

騰戶部非不撥補待撥補而事已晚  
譬如每米一石在平等秋成時民間  
不過七八錢迨明春則溢至兩外徵  
於秋則民喜其輕徵於春則民苦其  
重秋徵則粒米狼戾而輸納易春徵  
則青黃不接而湊辦艱似宜查南北  
直山東河南臨水州縣百里以內者  
將應解京邊新舊銀盡數改徵米豆  
秋成卽徵收在官近者冬前運到遠

者亦冰泮卽來不煩州縣之設處不必請價於戶部惟按時督催直捷簡便如曰新舊餉混淆乎則臨河寫遠者竟不派徵卽以其銀通融補算可也

前件看得民間糶穀納銀轉折耗費近水百里以內盡收本色誠爲省便但立法全收恐又有全收之累今議不拘水次遠近除應解京邊正項外其

坐定太倉雜項等銀願納本色者  
收本色不願者仍收折色官買官  
不許高量抑勒私派里甲

一議折價以州縣應解之銀改應徵之銀  
而猶煩每歲估價者不過謂歲有豐  
歉地有遠近高之恐虧官下之恐累  
民耳然聞江南額徵漕糧每歲如數  
派運何嘗每歲議價但取法令畫一  
無妨數歲折衷若果大荒之歲極凶

之區銀亦難徵糧復何問此當臨時  
另論不宜膠柱鼓瑟似應照江南事  
體每州縣發印烙較準官斛一張不  
用民間市斗各處大小不均致滋別  
弊官斛每米一石定價九錢豆一石  
定價五錢照花戶名下地畝銀數爲  
上納米豆之數循以爲嘗不必歲歲  
議時估矣

前件看得歷來召買米一石連腳價一

兩豆一石連腳價六錢今議徵收本色照江南事例各州縣印烙官斛不用民間市斗每米一石定價九錢豆一石定價五錢不必歲歲議估以每石腳價一錢計之總計米不過一兩豆不過六錢而止

一議收納百姓負載米豆惟願一到卽交一交卽回而受者利以延緩爲捐難守候稱苦繁費旁生須限定時日隨

到隨收有留難需索者法無貸更加  
意稽查斛面止許公平一切高量衡  
筴踢斛淋尖加耗侵漁諸弊嚴行查  
革又收糧止責成里長不可委用衙  
役酌坐水次不必拘定城中蓋距河  
卽在百里內就中不無少遠官旣收  
之城中必更使民運之河上何如擇  
河岸人烟湊集處所不拘官民寺觀  
閒房隨便收貯印官旣以錢糧爲職



掌須要躬親查考不許憚煩勞委  
貳以滋重納輕出侵漁折乾之弊  
也

前件看得量收本色有負載守候之  
有賜斛淋尖加耗侵漁諸弊印官須  
親自查考隨到隨收不得委用衙役  
亦不得暗加脚價名色致令便民者  
反以擾民也

一議交運夫民不苦於輸糴而苦於運糴

江南止完在水次聽運船至彼交稅  
津門勢恐不能不得不責州縣自運  
照道里遠近酌定腳價每百里一石  
不過一分計程遞加官自給價催船  
各處解糧到津多有掛欠解戶告船  
戶曰中途盜賣也船戶告解戶曰本  
地折乾也終日爲此閑嚷行查苦於  
隔地且揷合糠土晒揚費事似宜米  
豆上船時責令有司親自監兌封識

完密委廉慎佐貳官押解或鄰近三州縣通委一佐貳官領解不許積年衙屬攪解作獎運到津門卽日查收各員役有留難需索者從重究治諸弊既去米豆亦精而於百姓毫無干擾也

前件看得召買不苦于得規而苦于運糧往往委任匪人封識無法不但戶中途盜賣解戶本地折乾而押運

官猶鼠瓜分挿和糠土勢所不免  
議印官務令躬親監兌避委正途  
貳給足腳價運到津門卽爲查收  
如  
有津次員役留難需索者查明一體  
重治勿貸

一銀錢兼收窮鄉下戶傭工受值以及二  
月絲五月穀所得皆錢耳烏知白銀  
爲何物

國家方廣鼓鑄以濬財源而徵收反不用一文小

民持一圓無所售勢必向販夫易錢  
彼射利者無厭以致朱提日貴青錢  
日賤及至交納銀匠故謂成色不足  
而指索之打印買票連所加耗羨至  
一百六七十文僅僅辦納銀一錢限  
見臣鄉以此稱苦大都州縣錢根起  
解與支應各半起解不得不用銀外  
如衙役工食驛遞夫馬等項行錢地  
方兼收併用似無不可若令七分

銀三分收錢或大封收銀小封收錢  
隨地方時估定爲成數如是收卽如  
是放勿得盈入縮出或亦便民之一  
道乎

前件看得小民負販米豆樂于得錢不  
樂于得銀卽州縣平價市買那銀之  
數不若用錢之便今議所在召買那  
錢地方輸納錢糧令之一兩以上收  
銀一兩以下照時值收錢願納銀者

仍聽民便不許抑勒

以上五款俱就原議斟酌伏候

聖裁

崇禎四年十月十一日具

題本月十四日奉

聖旨這召買五款遵議力行自然公私兩便但市奸  
倚靈弊竇無窮須州縣各官躬親料理隨時搜剔  
方可以達通行如有玩違該撫按嚴加叅處爾部  
卽與申飭欽此

覆津撫預計五年分召買疏

題爲預計崇禎五年開內開外并解運糧料實數  
懇祈

聖明勅部蚤爲措辦以濟運務事專理新餉山東清  
吏司案呈崇禎四年九月十九日奉本部送戶  
科抄出天津督餉部院翟鳳翀題前事內開准  
閣部孫承宗咨開行據兩道將五年開內開外  
糧料查計前來爲照五年分以開內新定經制  
實支米主兵四萬二百七十二名每名月支米



五斗歲共該米二十四萬一千六百三十二石  
外加行糧米二萬石通共計米二十六萬一千  
六百三十二石額設馬騾駝牛一萬六千五百  
匹頭每匹月支豆一石二斗歲共料豆二十三  
萬七千六百石馬騾缺額數多不能遽焉買足  
姑議折色三分之一實該津運豆一十五萬七  
千六百石折色豆八萬石此關內所需之額也  
以關外新定經制除步中步左二營調入別防  
不計外實支米主兵六萬七千九百一十名歲

共該米四十萬七千四百六十石又夷丁家口  
計支米二萬一千二百六十六石又加行糧米  
二萬石班軍米四萬石通共計歲支米四十八  
萬八千七百二十六石額設馬騾駝牛三萬八  
千二百四十匹頭共歲該料豆五十五萬六百  
五十六石馬多缺額姑議折色二十萬石實該  
津運豆三十五萬六百五十六石此關外所需  
之額也若秦兵一萬已調防薊沽免議派關內  
外通共計米七十五萬三百五十八石共實通

豆五十萬八千二百五十六石折色豆二十八萬石若謂有事之秋額外預儲用備緩急惟貴部院之持籌碩畫其卸糧信地俟春融另酌策因到臣行據專理省直遼餉兵備僉事張志芳將前項米豆逐一酌派到臣該臣看得五年分關內外應用本色糧料米以七十五萬三百五十八石計豆以五十萬八千二百五十六石計較之上年爲數頗減蓋因經制初定汰冗節浮閣部德意甚盛然皆計人計馬按月關支所當

應期接濟而不可升合短少者米除截漕及臨  
德二倉餘米并附關召買外實派省直州縣者  
二十二萬八千五百石豆除折色并天津附關  
召買外實派省直州縣者三十一萬九千石雖  
州縣有大小年歲有豐歉錢糧有多寡臨河有  
遠近總在道府斟酌裒益而劑量以適於均耳  
至召買價值米一石定價一兩豆一石定價六  
錢數亦不浮應動新餉雜項優免等銀戶部宜  
蚤爲議定運價開寧每石二錢河東每石四錢

循行已久戶部宜按時給發趁風色平和乘  
運發省直米豆必須三月以後七月以前盡  
解完方能應時裝發等因本年九月十六日奉  
聖旨這關內外五年分軍需召買給銀派運等事  
部覈議速覆欽此又該督餉御史吳煥會題前事  
本年九月十八日奉

聖旨已有旨了該部知道欽此欽遵抄出到部送司  
案查上年預計原有東江本色在內今島餉俱  
登撫爲政止議截漕而不及召買查往例浙江

江西湖廣南直帶運遼米四十五萬石今除改  
折不帶外止該帶運米四十一萬五千九百八  
石有奇似應於截留東江漕米十萬石內撥補  
三萬四千九十二石以足帶運之數以六萬五  
千九百八石仍給鮮運又近該鳳陽巡撫疏稱  
鳳淮揚三府屬泗州盱眙臨淮鹽城安東高郵  
興化壽州山陽寶應泰州睢寧十二州縣以水  
災

請卹意欲減免召買移派豐稔地方相應一併酌議

具履案呈到部該臣等看得關內外士馬雲集  
飽騰所需俱仰給省直買運今年秋例當預計  
五年糧料督臣餉臣准閣部咨開新定經制通  
計米七十五萬三百五十八石實運豆五十萬  
八千二百五十六石而折色豆二十八萬石不  
與焉除每年例帶運漕糧四十五萬石又該臣  
部於崇禎三年十月內題覆撫院曹文衡遵  
旨確查以克遼餉疏內裁汰松江衛所軍餘米三千  
八百二十三石六斗解克遼餉載在考成歲以

爲嘗其餘則分派於臨清德州兩倉山東之東  
昌兗州河南之衛輝彰德南直之廬鳳淮揚徐  
州北直之保定真定河間大名順德廣平而津  
門附關俱行召買以足其數內帶運遼糧坐派  
浙江江西湖廣南直用本省加派買運今四省  
直除折漕不帶外止帶運四十一萬五千九百  
八石合將截漕十萬石內以三萬四千九十二  
石抵足帶運之數而六萬五千九百八石仍從  
津運鮮以贍東江除臨德二倉餘米與松江裁



汰軍餘米并截漕不用價外省直米價每石  
兩五價每石六錢連到津腳價在內較數歲之  
中已處其豐若時價尚廉相機節省則又在該  
地方之留意耳海運腳價每石二錢河東運價  
每石四錢向固有例而亦未敢驟言裒益也省  
直召買照原題坐定太倉及雜項優免諸銀不  
足者動支加派官買官運不許累及百姓兵餉  
裕而民不擾五年之計庶其有備乎內津部原  
疏鳳陽府派買米一萬四千石淮安府派買米

二萬三千石揚州府派買米一萬九千石據鳳陽巡撫李待問題議因災寬恤臣部酌量減買查照三年州縣細數除睢寧全免外泗州盱眙臨淮鹽城安東高郵興化壽州山陽寶應泰州十一州縣各免買一半則鳳陽應減去一千七百四十二石九斗淮安應減去六千七百石揚州應減去四千九百九十石三斗共減免米一萬三千四百三十三石二斗召買爲艱姑分加於臨德二倉臨清倉除原派三萬石再加六千

石德州倉除原派二萬一千石再加七千四百  
三十三石二斗而被災之累輕派買之價亦稍  
省矣若新定經制尚多懸兵懸馬以經制額設  
兵馬叅諸關內外五月七月冊報見在之數關  
內約尚懸派米五萬六千五百餘石豆除改折  
八萬石外尚懸派十萬九千四百餘石關外約  
尚懸派米一萬六千餘石豆除改折二十萬石  
外尚懸派十三萬二千一百餘石遙計五年分  
充伍盈廩不妨多多益善况征調無時又當預

儲以備者也惟關外向因秦兵本色召買不及  
議將該鎮趁秋成米賤時通折一月據寧遠司  
道申報省米四萬石可備五年之用今秦兵奉  
調防薊而薊苦無米寧遠預計俱已如額全派  
則所省米四萬石明年歲當於額內撥運薊門以  
補秦兵之缺者也乃若督臣之叮嚀於州縣者  
曰運宜速曰額宜完曰米豆宜淨而臣更有慨  
於完不如額之可異也夫省直召買價值皆臣  
部應急額餉不足者撥補已支者開銷疏稱有

欠至數百石千餘石而虛銷價值則虧在餉額  
寔缺糧料則害在邊儲伏祈

勅令督臣餉臣再一查報實欠職名前此未完者勘  
限完補向後買運者責令實收赴部銷驗庶實  
欠可稽而坐派顆粒皆實入關寧之積貯矣再  
照薊永兵馬日多於關寧召買一節雖已分任  
餉司而倉卒意外之調援不得不預爲派儲查  
今歲預計比三年預計少派米五萬三千餘石  
少派豆十四萬餘石今議再派米五萬石豆七

萬石分加省直召買地方運赴津門明歲酌量  
兵馬多少水陸撥運以補前永召買之不足然  
亦遵循上歲之數而非敢創爲例者也謹將應  
買米豆地方併價值款項數目逐一酌派於後  
恭候

命下臣部通行遵照施行

計開

預計崇禎五年開寧等鎮糧料數目

一額派開寧米據津部定七十五萬三

百五十八石內有開內行糧二萬  
石開外行糧二萬石夷丁米二萬  
一千二百六十六石班軍糧四萬  
石此外又該發運東江米六萬五  
千九百八石通共實該米八十一  
萬六千二百六十六石舊規於漕  
糧每十石帶運一石五斗共帶四  
十五萬石定於浙江江西湖廣  
直價用本省加派今四省直除

漕不帶外止帶運米四十一萬五  
千九百八石零照數免截比原額  
少米三萬四千九十二石今將截  
留東江漕米十萬石內撥足帶運  
之數以六萬五千九百八石仍發  
鮮運又部議照三年預計四年額  
數再派薊永米五萬石運貯津門  
臨特酌撥內

截漕米照東江舊例十萬石



臨清倉餘米三萬六千石

德州倉餘米二萬八千四百三十三石  
二斗

松江府該裁汰軍餘米三千八百二十  
三石六斗

以上四項俱不用價

津門買米一萬七千三十四石四斗每  
石連腳價一兩該銀一萬七千三  
十四兩四錢

以上價銀於新餉庫劄發

東昌府買米一萬四千三百石每石連  
脚價一兩該銀一萬四千三百兩  
卽以該府坐定太倉銀二萬六千  
九百二十三兩二錢七分四厘七  
毫內留抵一萬四千三百兩尚剩  
銀一萬二千六百二十三兩二錢  
七分四厘七毫內再行撥補充州  
府不敷米價三千三百九十五兩

四錢三分七厘九毫五絲淨餘利

銀九千二百二十七兩八錢三分

六厘七毫五絲留抵該府豆價

兗州府買米一萬四千三百石每石連

腳價一兩該銀一萬四千三百兩

卽以該府坐定太倉銀一萬九百

四兩五錢六分二厘五絲留抵外

尚不敷銀三千三百九十五兩四

錢三分七厘九毫五絲卽將東昌

府餘剩太倉銀照數撥足

保定府買米三萬三千五百石每石連  
腳價一兩該銀三萬三千五百兩  
卽以該府坐定太倉銀一千八百  
三十兩二錢五分五厘九毫雜項  
銀一萬三千七百九十九兩四錢  
一分二項共銀一萬五千六百二  
十九兩六錢六分五厘九毫扣抵  
外尚不敷銀一萬七千八百七十

兩三錢三分四厘一毫卽將該府  
額定生員優免銀一萬八千六百  
六十五兩五錢三分三厘一毫內  
照數扣抵完足尚剩銀七百九  
五兩一錢九分九厘留抵該府  
價

河間府買米三萬石每石連腳價一兩  
該銀三萬兩卽以該府坐定太倉  
銀一萬七千四百八十四兩三分

二厘三毫扣抵外尚不敷銀一萬  
二千五百十五兩九錢六分七厘  
七毫卽將該府額定生員優免銀  
一萬二千五百六十六兩九錢四  
分三厘七毫內照數扣抵完足尚  
剩銀五十兩九錢七分六厘留抵  
該府豆價

真定府買米三萬四千石每石連腳價  
一兩該銀三萬四千兩卽以該府

坐定太倉銀二萬六千八百五十五兩二錢五分四厘扣抵外尚不敷銀七千一百四十兩七錢四分六厘卽將該府額定雜項除恒山新兵留用外尚該一萬三千一百三十六兩五錢三分四毫內照數扣抵完足尚剩銀五千九百九十五兩七錢八分四厘四毫留抵該

府豆價

順德府買米九千七百石每石連腳價  
一兩該銀九千七百兩卽以該府  
坐定太倉銀一萬二千二百五十  
五兩九分三厘七毫內照數扣抵  
外尚剩銀二千五百五十五兩九  
分三厘七毫留抵該府豆價

廣平府買米一萬六千三百石每石連  
腳價一兩該銀一萬六千三百兩  
卽將該府坐定太倉銀二萬二千



一百八十七兩三錢六分八厘九毫內照數扣抵外尚剩銀五千八百八十七兩三錢六分八厘九毫留抵該府豆價

大名府買米三萬三千石每石連腳價一兩該銀三萬三千兩卽以該府坐定太倉銀七萬二千四百十五兩四錢三分五厘三毫內照數扣抵外尚剩銀三萬九千四百十五

兩四錢三分五厘三毫留抵該府  
豆價

彰德府買米一萬四千石每石連腳價  
一兩該銀一萬四千兩卽以該府  
雜項五千四百八十五兩六分九  
厘生員優免銀三千一百七十六  
兩二錢六分八厘二項共銀八千  
六百六十一兩三錢三分七厘扣  
抵此外尚不敷銀五千三百三十

八兩六錢六分三厘行令藩司將  
通省雜項照數撥補完足

衛輝府買米九千四百石每石連腳價

一兩該銀九千四百兩卽以該府

雜項二千五百八兩二錢七分五

厘生員優免銀一千三百九兩七

錢三分五厘二項共銀三千八百

十八兩一分扣抵此外尚不敷銀

五千五百八十一兩九錢九分行

令藩司將通省雜項照數撥補完足

廬州府買米一萬四千石

鳳陽府買米一萬二千三百五十七石

一斗內泗州壽州臨淮盱眙照三年買數減免一半其餘州縣照舊

全買

淮安府買米一萬六千三百石內山陽

安東塩城照三年買數減免一半

睢寧全免其餘州縣照舊全買

揚州府買米一萬四千九石七斗內  
郵泰州寶應興化照三年買數減  
免一半其餘州縣照舊全買

以上四府米價動用加派銀兩買運  
完後造冊報部銷算

一額派豆據津部定七十八萬八千二百  
五十六石內議開內折豆八萬石  
開外折豆二十萬石實派買豆五

十萬八千二百五十六石漕部議  
派附關召買豆十二萬石向議派  
於永平州縣今令山海餉司兵道  
量買六萬石俱照真保之例官買  
官運不得累及小民天津加買二  
萬石其餘四萬石攤派於彰衛徐  
州并畿南六府以完附關召買之  
數又部議照三年預計四年額數  
再派薊永豆十萬石運貯津門臨

時酌派

東昌府買豆三萬石每石連腳價六錢  
該銀一萬八千兩卽以餘剩太倉  
銀九千二百二十七兩八錢三分  
六厘七毫五絲留抵外尚不敷銀  
八千七百七十二兩一錢六分三  
厘二毫五絲卽將該府額定雜項  
銀一萬五千六百四十七兩九錢  
二分內照數扣抵完足餘剩解部

兗州府買豆三萬石每石連腳價六錢  
該銀一萬八千兩卽將該府額定  
雜項銀二萬五千一百九十七兩  
一錢四分內照數扣抵完足餘剩  
雜項仍行解部克餉

彰德府買豆一萬五千石每石連腳價  
六錢該銀九千兩行令藩司將通  
省雜項照數撥抵餘剩雜項仍行  
解部克餉



衛輝府買豆一萬五千石每石連脚價  
六錢該銀九千兩行令藩司將通  
省雜項照數撥抵餘剩解部

徐州買豆三萬石每石連脚價六錢該  
銀一萬八千兩卽將該州加派銀  
兩照數扣留買運餘剩解部

保定府買豆六萬八千石每石連脚價  
六錢該銀四萬八千兩卽將該府  
餘剩生員優免銀七百九十五兩

一錢九分九厘扣抵外尚不敷銀  
四萬四兩八錢一厘卽以該府新  
增加派照數扣抵完足餘剩加派  
仍行解部克餉

河間府買豆五萬五千石每石連腳價  
六錢該銀三萬三千兩卽以該府  
雜項銀一萬二千二百五十六兩  
四錢一分五厘又將該府餘剩生  
員優免銀五十兩九錢七分六厘

扣抵外尚不敷銀二萬六百九  
二兩六錢九厘卽將該府新增加  
派照數扣抵完足餘剩加派仍行  
解部克餉

真定府買豆七萬二千石每石連腳價  
六錢該銀四萬三千二百兩卽將  
該府餘剩雜項銀五千九百九十  
五兩七錢八分四厘四毫扣抵外  
再以廣平府用剩生員優免銀一

千二百六十兩二錢二分七厘五  
毫雜項銀三千六百四十五兩一  
厘大名府用剩太倉銀四千六百  
十五兩四錢三分五厘三毫生員  
優免銀七千七百九十四兩七分  
六厘九毫雜項銀四千九百二十  
八兩六錢五分八厘三毫五絲共  
撥抵銀二萬八千二百三十九兩  
一錢七分三厘二毫五絲此外尚

不敷銀一萬四千九百六十兩  
錢二分六厘七毫五絲因該府建  
員優免額銀未報卽將此項閏抵  
順德府買豆二萬六千石每石連腳價  
六錢該銀一萬五千六百兩卽將  
該府餘剩太倉銀二千五百五十  
五兩九分三厘七毫雜項等銀除  
恒山新兵留用外尚剩銀四千一  
百四十六兩七錢三分三厘六毫

二忽又該生員優免銀八千二百  
二十七兩九錢六厘五毫扣抵此  
外尚不敷銀六百七十兩二錢六  
分六厘一毫九絲八忽卽將該府  
新增加派扣抵完足餘剩加派仍  
行解部克餉

廣平府買豆二萬八千石每石連腳價  
六錢該銀一萬六千八百兩卽將  
餘剩太倉銀五千八百八十七兩

三錢六分八厘九毫扣抵外尚  
敷銀一萬九百十二兩六錢三分  
一厘一毫卽以該府額定生員優  
免銀一萬二千一百七十二兩八  
錢四分八厘四毫內照數扣足尚  
剩銀一千二百六十兩二錢一分  
七厘三毫又該雜項銀三千六百  
四十五兩一厘二項共銀四千九  
百五兩二錢一分八厘三毫俱行

撥補真定府不足豆價

大名府買豆五萬八千石每石連腳價  
六錢該銀三萬四千八百兩卽以  
餘剩太倉銀三萬九千四百十五  
兩四錢三分五厘三毫內扣足豆  
價外尚剩太倉銀四千六百十五  
兩四錢三分五厘三毫又該額定  
生員優免銀七千七百九十四兩  
七分六厘九毫又該雜項等銀除



恒山新兵留用外尚剩銀四千九  
百二十八兩六錢五分八厘三毫  
五絲三項共銀一萬七千三百三  
十八兩一錢七分五毫五絲俱行  
撥補真定府不足豆價

天津買豆十二萬一千二百五十六石  
每石連腳價六錢該銀七萬二千  
七百五十三兩六錢

山海餉司兵道買豆六萬石每石連腳

價六錢該銀三萬六千兩

以上二項豆價於新餉銀庫給發

一交卸米豆

關內該米二十四萬一千六百三十二石外加行糧二萬石俱津運該豆二十三萬七千六百石除山海關司兵道責令附近州縣官買官解六萬石又折豆八萬石其餘九萬七千六百石津運補足關外該米

四十萬七千四百六十石內除  
年寧鎮通折一月省米四萬石  
運薊門撥給秦兵外實該米三  
六萬七千四百六十石外加行糧  
二萬石又該夷丁家口米二萬  
千二百六十六石班軍米四萬石  
該豆五十五萬六百五十六石除  
折豆二十萬石其餘三十五萬六  
百五十六石俱津運

一折色豆價

開內折豆八萬石每石折價四錢二分  
該銀三萬三千六百兩

開外折豆二十萬石每石折價四錢二分  
分該銀八萬四千兩

一米豆運價

天津該運河東米六萬五千九百八石  
每石腳價四錢該銀二萬六千三百六十三兩二錢  
繇天津運開內

外米豆一百十五萬八千六百十  
四石每石腳價二錢該銀二十三  
萬一千七百二十二兩八錢其添  
價并席葦等項另行查議銷算

崇禎四年十月十七日具

題本月二十一日奉

聖旨這預計五年分開內外及解運糧料實數併酌  
派買運事宜俱如議行省直召買該部既擬有價  
值何得尚有欠至于百餘石的着該督撫及督餉

御史詳查實欠職名叅來今後買運地方俱取實  
收報部銷算不許仍前朦混該部通行嚴飭欽此